


MKAYIDI

 . . . muno kamosaso, mu Zina la Fumu Yesu, na kuti tipulike za milimo yikuru na yankhongono iyo Imwe muli kuchita, kale. Ndipo sono ise tayimirira na kukhazga, chikukwezga chipulikano chithu na kutizozga ise, kuti tigomezge kuti icho taromba usiku uwu chiperekekenge. Imwe mukumanya waliyose na yumozayumoza wa iwo, vyose ivyo iwo w̄aromba. Ndipo ise tikuw̄arombera iwo, chomenechomene, Fumu, iwo w̄eneawo w̄ali kufupi chomene ku nyifwa. Perekani mtende mu uzima wawo usange uwu nthu ulimo kale mwenemula. Perekani machirisko ku thupi lawo. Perekani ichi, Fumu.

² Tumbikani kwiza kwithu pamoza. Ise—ise tikuromba, Fumu, pa ungoro uwu wa malurombo wa pa Chitatu usiku, kuti, umo ise tawunganirana, pakumanyanga kuti palipose w̄aw̄iri panji w̄atatu w̄awungana pamoza, Imwe muw̄enge nase. Ndipo ise tikumurombani Imwe, Fumu, kuti mutipe ise Mazgu Ghinu usiku uwu. Yowoyani kwa ise, Fumu, ndipo sangurusikani mitima yithu, mwachilendo, mwakuti ise tingamanya umo ise tingajisungira taŵene ku nyengo yikuru iyo yiri kunthazi, apo ise tikugomezga kuti ise tiri kufupi ku Kwiza kwa Fumu.

³ Ise tikumuwongani Imwe chifukwa chakuti w̄an̄thu sono w̄ayamba kusanga kuti chipulikano ntchiweme kwa iwo, na kumanyanga icho chipulikano chikung'anamura. Ndipo pakumanyanga, nanga nkhumuwongani Imwe chifukwa cha visopo ivyo viri kunthazi, kugomezganga kuti Imwe muchitenge chinyake. Fumu, ise tikulindizga na kukhazga, ngati mazuw̄a ghakale, kugomezganga kuti nyengo yiri kufupi apo Imwe muzamkujura waka vidangazi vya Kuchanya na kupungula mapangano agho Chiuta wali kulayizgira mu nyengo iyi yaumaliro.

⁴ Sono ise tikumurombani Imwe, Fumu, kuti—kuti muw̄e na ise tose, charu zingirizge, umo muhanyauno ise tapulikira w̄an̄andi kudera kuno, kulikose, awo mbakusoŵerwa. Perekani kwa iwo vyakupempha vyawo, Fumu. Ndipo ise tikuromba kuti tiwone woko likuru la Chiuta likwenda palipose kuzungulira charu pakati pa iwo w̄eneawo w̄akupenja chin̄thu chikuru ichi.

⁵ Mutigowokere ise ku kwananga kwithu. Mutilange ise, Fumu, na Mzimu Winu na Mazgu Ghinu, mwakuti ise tingamanya kujikora taŵene, w̄atew̄eti w̄akupulikira, w̄atew̄eti w̄akupulikira mu khumbo la Chiuta. Zomerezgani ise tikumbukire, na kuyezga kughanaghana mu mitima yithu, ivyo W̄akhristu w̄akale w̄akachita. Kasi ise tiw̄enge w̄an̄thu w̄akwenerera uli usange ise tikakumana na iwo w̄eneawo w̄akaw̄a na kukumana kwa mun̄thu payekhapayekha na

Imwe. Umo nkhope zawo nthena zikaŵalira na chipulikano na chimwenwe. Umo maumoyo ghawo ghakayenera kuti ghakaŵira Mazgu gha Chiuta ghamoyo, mbwenu “makalata ghakulembeka ghakuŵazgika na ŵanthu wose,” apo iwo ŵakayenda mkati na pakati pa ŵanthu. Chiuta, perekani ichi kamozaso.

⁶ Nkhuromba maumoyo ghithu ghaŵe ghakujipereka chomene kwa Imwe, mwakuti Mzimu Mutuŵa wajikhalirenge umoyo Iwowene mwa ise, ndipo yowoyani kwizira mwa ise, Fumu. Nkhuromba ise tikumbukire, mu malingaliro ghithu, apo ise tikwenda pa msewu na kukhwaskana mawoko na charu, ise ntha tikwenera kuŵa ngati ndi iwo. Ndipo ise tikusezgekera kumphepete na kuŵapa malo iwo, Fumu, mu malo ghawo ghakwenerera pano pa charu chapasi. Ise tikhalenge mu mpando wa kunyuma, pakumanya kuti ise ndise ŵakazembe ŵakufuma ku charu chinyake. Ise tiri na Ufumu uzamkutora ulamuliro, Fumu. Ndipo Fumu yithu yikuru mwasonosono yifikenge na kutora ulamuliro wa maufumu ghoŵe agho ghali mu charu Chake. Ndipo Iyo wazankulamulira na kuwusa; pamoza na Iyo pano pa charu chapasi, virimika sauzandi, na kuŵa na Iyo muyirayira.

⁷ Na ichi mu malingaliro, Fumu, sono ise tikukhazga ku zgoro la lurombo lwithu. Ise tikukhazga ku kuzomerezga kwithu. Usange ise tikachita chirichose, tikayowoya chirichose, panji tikaghanaghana chirichose, icho chikaŵa chakususka na kukhumba Kwinu kukuru, zomerezgani Ndopa za Yesu Khristu zititozge ise.

⁸ Mutirongozge ise, Fumu, umo mlongosi wanguyowoyera usiku uwu, za iyo na mufumu wake pa ulendo wakuruta ku Chicago. Ŵarongozgeni iwo, Fumu Chiuta, kufika ku malo uko Imwe mungamanya kuŵagwiriska ntchito iwo, mwakuti iwo ŵangamanya kuŵa malazi gha kuŵara kuŵanyake awo ŵakwenda mu mdima, awo ntha ŵakuyimanya Fumu yithu Yesu. Sono ise tikupereka chisopo kwa Imwe, na kutegherezanga ku Mazgu Ghinu ghakutinjirikizga, mwakuti ise panji tingamanya umo tingalinozgekera ora likuru ili, mu Zina la Yesu ise tikuromba ichi. Amen.

[Pa tepi palije kalikose. M’bale Neville wakuyowoyapo ndemanga—Munozgi.]

Fumu yikutumbike iwe. Yewo, m’bale.

⁹ Ine pachoko nanguŵa wambura kunozgeka kuchita ichi. Ine, pakuŵa kuno ku kaya, ine nanguwona ngati kuti ine ntha nadi nanguyenera kuti ndirute kumalo kunyake, mwangozi, ine mbwenu ndipulikenge makora chara, ine kukhala pa nyumba na kuleka kwiza ku ungano wa malurombo. Ndipo ine nanguŵa ngati kuti nangufika, mwakubuchizga, kwa ndamwene, nanga nkhu banja lane. Ine nangufika waka, ndipo nangunyamuka

nkhanira penepapo. Ndipo ntheura ine nanguti, “ine nkhuruta kusika ku ungoro wa malurombo.” Ndipo iyo ntha wanguwa nanga na nyengo yakuti wanozgeke kuti wafike, ntheura iyo ntha wakamanya kuti ine ndifikenge.

¹⁰ Ntheura ine ndiri wakukondwa kupulika ukaboni wa mlongosi kula, m’bale, za Kuwara kula kumtunda Kumwera kwa Carolina panji Kumpoto kwa Carolina, kumalo kunyake. Greenville, kukaŵa uku? [Mlongosi wakuti, “Chara. Kumwera kwa Pines.”—Munozgi.] Kumwera kwa Pines. Inya.

¹¹ M’bale Lee Vayle wanguwa waka kuno muhanyauno. Ine nangumubapatiza iyo, muhanyauno, mu chisopo cha ubapatizo kuno muhanyauno. M’bale Lee Vayle imwe mukumanya, na wapharazgi kula, M’bale Parker Thomas. Kula kukaŵa a . . .

¹² Ine nkhekumbukira za—za nyengo, mlongosi wakaphimbika. Ichi chikaŵa kukhozgera kukuru, mlongosi, ku icho a . . . Mzimu Mutuwa nyengo zinyake watizomerezgenge ise tirutirire munthazi na kupima chipulikano chithu, kuti wawone kasi, na kupima chipulikano cha wanyake. Para imwe mukulaŵiska nkhanira kurunjika pa chinyake, ndipo mukuwona chinyake, na kuyowoya ichi; wanyake wakulaŵiska ndipo ntha wakuchiwona ichi, iwo wakuti ichi kulije kula. Mukuwona? Kweni ichi chiriko kula.

¹³ Sono, ntha wakaŵapo yumoza wakamanya kukuwona Kuwara kula kukalenderanga pa Paulos, kweni Uku kukaŵako kula. Palije yumoza wakayiwona nkunda yira yikikhanga kufuma Kuchanya, mu Kuwara kula, mu kawonekero, ndipo kukalendera pa Yesu, kweni Yohane iyomwene. Kweni Uku kukaŵako kula. Mukuwona?

¹⁴ Ndipo ntheura, kale, pamanyuma para ine nkhaŵaphaliranga wanthu za Kuwara uku kwakuwa ngati Laŵi la Moto, ntha wakaŵapo yumoza wakakhumba kuti wagomezge ichi. Kweni sono jiso lakupangika la kamera likakora Uku, umo Uku kukizira.

Ndipo mzimu uheni ngufipa.

¹⁵ Ichi chiri ngati waka maumoyo ghithu, ise ndise mizgezge. Ndipo ise tiri . . . Usange ise ndise kuwara, ipo usange maumoyo ghithu ghakuyana na Kuwara kwa dazi, ise tikuyenda mu Kuwara.

¹⁶ Ichi chiri ngati waka kuti imwe mwalaŵiska kuwaro ndipo mukuti, “ine nkhuwona zuwa,” mu nyengo apo zuwa likuwara. Imwe—imwe mukuwona muzgezge wa zuwa. Uku ndi kuwoneskera kwa zuwa. Ili ntha ndi zuwa, ilolene, kweni ichi chikusimikizgira kuti zuwa liriko. Ichi chikusimikizgira kuti zuwa liriko.

¹⁷ Ndipo sono para ine nkhuŵiska, ngati ndiumo imwe mwakhalira kuwaro uko, kugwiriskanga ntchito

vyakuhupuzgira, kuyowoyanga, icho chikung'anamura imwe muli wamoyo, kweni ichi ndi muzgezge wa umoyo.

¹⁸ Chifukwa, chirichose chikwenera kuwa na mdima mu ichi, kuti chipange muzgezge. Mukuwona? Chifukwa, muzgezge ukwenera kuwa na mdima unandi mwakuti na kuwara kunandi mwakuti, kuti vipange muzgezge. Ndipo chose nthā chingawa mdima, ndipo chose nthā chingawa kuwara. Usange ichi ndi mdima, ichi ndi mdima weneko. Usange uku ndi kuwara, palije muzgezge, palije chakuti chipange muzgezge. Kweni usange chasazgikana na mdima na kuwara, ichi chikupanga muzgezge.

¹⁹ Ntheura nadi ise ndise mizgezge ya umoyo. Sono imwe mukuwoneskera umoyo kufuma kumalo ghanayake. Usange imwe ndimwe, ndipo Mukhristu, ichi pakuwa muzgezge, ichi chikusimikizgira waka kuti uliko Umoyo uko imwe nthā mungafwa, chifukwa umoyo uwu uli na nyifwa mwa uwu. Mukuwona? Kweni ichi ndi muzgezge, chifukwa imwe ndimwe moyo, chilengiwa chakwenda chiri na nkhangono za kulaŵiskira, kughanaghana, kusuntha, na kuyowoya, na mamanyiro ghankhonde gha thupi. Kweni ndipouli imwe mukumanya, iwo, iwo watifwenge. Ndipo kuli masuzgo ghanandi. Imwe mukumanya, ichi chingamanya pera kuwa... Ichi ndi kuwoneskera, wonani, kuti kuli umoyo na nyifwa kusazgikana pamoza.

²⁰ Chathupi chikwenera kuti chifwe. Kweni usange iwe ukuwoneskera, na umoyo wako wachivundi, Kuwara kwa Kuchanya, ntheura iwe ukuwoneskera Umoyo Wamuyirayira, Chiuta. Ntheura para iwe wafwa, iwe nthā ungachita chinyake kweni kuruta ku Kuwara kula, chifukwa Icho ndicho iwe wawoneskera.

²¹ Usange iwe ndiwe wa charu cha mdima, iwe ukuwoneskera icho, ndipo ungamanya kuchita, nthā ukuruta nthowa yinyakeso kweni ku mdima. Mukuwona? Ntheura ise tiri mu kuwoneskereka. Ntheura, ise tikuchiwona icho. Ndipo nadi umo Mzimu Mutuwa wakuwoneskera Kuwara na Umoyo, ntheura ndimo nyifwa yikuwoneskera mdima.

²² Ndipo vyose viwiri viri apa. Mache... Kufika ku umaliro wa sabata, panyake kufika pa Sabata, ise tiwenge kuti takuzga chithuzithuzi chichoko kuwa chikuru, ntheura ichi chingamanya kuwikika pa chikhwangwani.

²³ Uko, chithuzithuzi *chinu* chikulendera uko pa chikhwangwani. Ine nkhumanya chara kwali imwe mukachiwona ichi, panji chara. Ndipo pamanyuma...

Ndipo pafupifupi sabata yimoza yajumphā, mu—mu Jamaica, uko ine nkhatumikira—nga... Ise tikutuma matepi charu chose. Ndipo *Vididimizgo Seveni* viri kufika mu... nkhanira mkati mu vilwa vya Jamaica, nkhanira mkati chomene. Ndipo ndi wachimizi chomene kwenekeka, kuseri kwa Blue

Mountain. Ndipo mbadwa, nyengo zinyake, iwo wáli na—na chakulizgira matepi ise tikutora kufuma kwa iwo, icho imwe mukwenera kuti—kuti, ngati Victrola yakale, kuchikhetemura ichi, ndipo pamilyuma kuchileka—kuchileka ichi chilire ngati ntheura. Ntheura, para pajumpha maminiti ghachoko, muniyake wakwenera kuti wachikhetemure ichi.

²⁴ Gulu ili likaŵa na—na batire lichoko, batire la mavolt sikisi, panji chinyake chantheura, kulizganga chakulizgira matepi. Ndipo iwo—iwo wose wákakhala pamoza, pafupifupi ngati ili muno usiku uwu, kutegherezanga ku *Vididimizgo* vira, ine nkhuomezga chikaŵa ichi. Ndipo apo ine nkhaiyowoyanga, iwo wákawona, kwizanga mu chipinda, mukiza Laŵi lenelira la Moto, likiza pachanya apo pakaŵa chakulizgira matepi ndipo likakhazikika pachanya pa ichi. Ndipo iwo wákawona ndipo wákatora kamera ndipo wákajambura chithuzithuzi cha Ichi. Ndipo nkhanira Yumoza mweneyura, Ichi chiri apo, kulenderanaga nkhanira pachanya pa ichi. Sono ise tichikuzenge ichi, ntheura ise tingamanya kuchiŵika ichi pa—chikhwangwani kuwaro uko, mwakuti imwe mungamanya kuchiwona ichi.

²⁵ Ise ndise wákawonga chomene chifukwa cha wezi wa Chiuta uwo watorekera mu withu. . . watitorera ise mu Kuŵapo Kwake mu nyengo iyi. Sono ise ndise wákawonga chifukwa cha vinthu vinandi.

²⁶ Sono ine nkhuhanaghana ine ndilaŵiske mkati umu ndipo ndiwone usange ine ningasangamo ghanyake, manotisi ghanyake panji chinyake, chinthu chinyake icho ine nkhaiyowoyapo. Panji, kusanga mtundu unyake wa—a. . . Ine ndiri na makani ghanyake ndalemba, munthowa yiriyose, kuseri uku mu kabuku. Usange ine ningasangapo ghomoza, panyake Fumu yingandipa chinyake ine chakuti ndiyowoyepo, apo ise tikuomba.

Sono, ise tiri pasi pa kukhazga pa Sabata.

²⁷ Ine ndakhala nkhuoyoya mu Mauthenga. Ndipo, pa Sabata, nkhamusungani imwe kuno nyengo yitali, pa, “Ntchifukwa uli iwe ukulira kwa Ine? Yowoya ku wánthu ndipo rutaninge munthazi.”

²⁸ Sono, pa Sabata ndi chisopo cha machirisko uko wárwari wákumobereka. Sono, iwe ukufika kwa wárwari, ndipo pakwenera kuŵa chifukwa chinyake icho wárwari, para ise tikuwárombera iwo, usange iwo wándachire. Ndipo ine nkhuumba kuti, usange Fumu yazomezga, pa upharazgi ufupi waka pa Sabata mlenji, naposo. Ntheura, ine ndiŵenge na chisopo cha machirisko, na kuombera wánthu wose. Ndipo Billy Paul panji wányake ŵa iwo wázamkuŵa kuno pa Sabata mlenji, pakunji eyiti koloko, apo tchalitchi likujurikira, kuti wapereke ku wánthu makadi apo iwo wákunjira pa muryango, panji nyengo yiriyose iwo wákunjira.

²⁹ Ndipo sono, pamanyuma, ine nkukhumba kuti ndiyezege, ine nkugomezga kuti Fumu yiri kundipa ine kulaŵiska mkati kuchoko pa vifukwa ivyo pali ŵanthu ŵanyake ŵakuchira chara. Ndipo ine—ine nkugomezga ndi kuleka kupulikiska. Ndipo ine—ine nkugomezga, panyake, ise tizamkuyowoya pa icho, pa Sabata mlenji, para Fumu yazomezga.

³⁰ Sono, ungano wa malurombo wa pa Chitatu usiku ndi ungano ufupi waka uko ise tikuwungana pamoza na kuromba, umo ise tachitira, na kuyanjana pamoza.

³¹ Nyengo zinyake, ine—ine nkugomezga chimoza cha vinthu vikuru icho ine nkhusanga mu nyengo iyi, ndi kusoŵeka chisimikizgo pa icho ise tikugomezga. Mukuwona? Mukuwona? Usange Chiuta, mu mazuŵa gha John Wesley, wakachitenge mu nyengo yira icho Iyo wachita mu nyengo iyi, kasi ichi nthena chikachita vichi; mu mazuŵa gha Martin Luther, panji vinyake vinandi? Umo icho ise tikumuwona Iyo wakuchita, vyose kusimikizgika na Mpingo, na Mzimu, na sayansi, na chakuchitika chirichose, chake—chithuzithuzi chake chikwenera kuti chimanyikwe. Ndipo Mazgu gha Chiuta apa kulengezanga Ichi na kuchiyowoyanga Ichi pambere Ichi chikaŵa chindafiskike. Ndipo nthaura kusunthira munthazi, na kuchimanga, na kuwoneskanga chinthu chenechira icho Iyo wakayowoya. Ichi chizamkukwaniriskika mwakufikapo, ndendende icho Iyo wakayowoya. Ndipo ise tikukhala ndithu ngati ŵakata, ngati kuti ise tikuzizwa. “Inya, nkhuizizwa usange icho chingamanya kung’anamura ine? Nkhuizizwa usange ichi chingamanya kung’anamura waka a—mpingo, wose. Panji—panji, nkhuizizwa usange ine ndirimo nadi mu Ichi?” Ine nkugomezga, pa Sabata mlenji, ine ndizamkuyezga kuyowoya pa zinyake za fundo izo ivyo vingamanya kutingweruska ise pachoko.

³² Sono, usiku uwu, ine nangusanga chinyake, nangujura waka ku ichi apa, pambere ine nangufika kuno. Ine nangughanaghana, “Uli usange M’bale Neville, usange ine ningaruta kusika kula, iyo mbwenu vyachitika kuti wayowoyenge, ‘Nyamuka ndipo yowoya,’ ndipo mbwenu wakukhala waka pasi?” Mukuwona? Ine nangughanaghana, “ine ntchiweme ndilembepo Malemba ghangapo.” Chifukwa, ine nkhumanya, iyo, iyo ndi m’bale muweme chomene, ndipo ise—ise tikumuwonga iyo.

³³ Pambere ise tindarombere Mazgu, ine nkukhumba kuti ndimuwoneskeni a—m’bale. Ine ntha ningazunura nanga ndi zina lake pa nyengo iyi, ŵaŵiri ŵa iwo. Iwo ŵali muno, ŵabwezi ŵa ine. I. . . Iwo ndi ŵapharazgi ndipo ŵaneni, mu malo ghautumiki, kurutanga kukatumikira. Iwo ŵakapulika Mauthenga agha pa tepi. Ndipo iwo ŵali kufuma ku mabungwe ghakupambanapambana, ŵachinyamata ŵaŵiri ŵachichepere. Ndipo mnyamata wali nkhanira, yumoza wa iwo ngwakukondwa chomene, mpaka iyo wakakhirira mu, Tucson, nkhanira

mwasonosono, mu kujara ungano. Ine nkbugomezga ine nkhaŵa mu Chakurya cha mlenji cha Ŵanthu Ŵamalonda. Ndipo mnyamata wachichepere, mnyamata muweme wachichepere, wakafika. Ndipo iyo ndi . . .

³⁴ Iwo ŵakufuma ku Kansas. Ndipo iwo ŵayenda ulendo wose kufika kuno kuti ine ndiŵakwatiske iwo. Ine nkhuwonga icho. Kughanaghana kuti ŵanthu awo ŵakugomezga mu malurombo ghako, mwakukwanira, ŵakugomezga kuti Chiuta wangamanya kupulika na kuzgora; ŵachinyamata kukuranga mu umoyo, ngati nthaura. Ndipo para iwo ŵakati wafika kuno kuti ine ndiŵakwatiske iwo, mayiro, kusanga kuti lamuro la boma la Indiana likukhumba, kuti nangauli ŵachita kupimika kwawo kwa ndopa, kuti ŵalindizge muno mu charu, mazuŵa ghatatu, pambere iwo ŵandakwatiskike. Nthaura, iwo ŵangakwatiskika chara mpaka pa Chinkhonde mlenji.

³⁵ Ndipo ine ndimufumbenge m'bale withu pa umaliro, usange iyo wangayimirira waka ndipo watiphalire ise kasi iyo ndinjani, na dona wake muchoko wakutemweka uko, na m'bale wali kufupi.

³⁶ [M'bale wakuti, “Namuwongani imwe, M'bale Branham. Nakondwa kuŵa kuno. Ndipo ine ndine M'bale Roger O'Neil, nkhuwonga mu Kansas, nkhuwonga mu utumiki, ngati muneni, kuŵaphaliranga, ‘Yesu wakuponoska, wakuchizga, mwa chipulikano mwa Yesu...?..’ Ine nyengo zose nkhuwonga...?..Uyu ndi wakutemweka wane, Patricia Brown. Ise tizamkutorana, pa Chinkhonde. Uyo ndi muneni munyane na wakugwira nayo ntchito, M'bale Ronnie Hunt, apa ku umaliro. Ndipo uyu ndi wakutemweka wake, Carol...?.. Ndipo ise tiri ŵakukondwa kuŵa kuno usiku uwu.”—Munozgi.]

³⁷ Nkhumuwongani imwe, nkhanira chomene. Ise nadi tikuŵakhumbira ŵakazembe ŵachinyamata aŵa, ku mlimo wa Fumu Yesu, vitumbiko vya Chiuta, kuti viyende nawo pa nthowa. Ndipo apo ine nkhuwonga, kulindizganga Kwiza kwa Fumu, na kuwona ŵanarumi ŵachichepere na ŵanakazi ŵachichepere na chakulinga mu mtima, kuti ŵatumikire Khristu, icho chikundikondwereska ine, wonani, kuŵawona iwo ŵakukura ngati nthaura. Fumu yimutumbikeni imwe, chomene, m'bale wane, mlongosi.

³⁸ Sono tiyeni ise tikajure ku Buku lichoko leneilo ine nthu ndiri kuyowoyapo nakale, mu umoyo wane. Ndipo ili ndi nkhanira . . . Chipatululo waka chimoza, Buku la Filimon. Ndipo ichi ndi . . .

³⁹ Ine ndine waka mu Irish pachoko, ndipo ine—ndipo ine ndiri na waya kuzingilira mino ghane ghakusi, kuti ukhozgere m'malo mwawo ghaŵiri kunyuma. Ine, ine, nyengo zinyake ine nthu nkhuwonga mazina agha makora, para ine nkhumanya icho igho ghali. Ndipo nyengo zinyake ine nthu nkhuwonga

igho makora, chifukwa cha kupereŵera masambiro. Ntheura, “Filimon,” munyake wanguyowoya kunyuma uko, cheneicho ine nkughanaghana ndi kuzunura kuweme kwa ichi.

⁴⁰ Sono, vesi lakudanga, ine nkhuKhumba kuti nditorepo waka lizgu panji ghaŵiri kufuma pa ichi.

Paulos, mkayidi wa Yesu Khristu, . . .

⁴¹ Ndipo icho ndicho ine nkhuKhumba kuti ndigwiriske ntchito usiku uwu, ngati makani, para Fumu yazomerezga, ndi: *Mkayidi.*

⁴² Sono, imwe nthā mungalingalira Paulos kujitora iyomwene mkayidi. Munthu wakubabika mwa wanangwa, wakuzuzgika na Mzimu Mutuŵa, kweni ndipouli iyo wakujichema iyomwene “mkayidi.”

⁴³ Ndipo sono ise tikusanga kuti, para iyo wakayowoya ku Ŵakorinte, “Paulos, mpostoli wa Yesu Khristu.” Nyengo yinyake, “Paulos, muteweti wa Yesu Khristu mwa khumbo la Chiuta,” para iyo wakuyowoya kwa Timote, ŵanthu ŵakupambanapambana. Sono para iyo wakulemba apa kwa Filimon, iyo wakati, “Paulos, mkayidi wa Yesu Khristu.” “Paulos, mpostoli,” ine nkhuKhumba kuti ndizakapharazge usiku umoza pa icho. “Paulos, a—muteweti,” ndizakapharazge pa icho. Ndipo pamanyuma, “Paulos, mkayidi.”

⁴⁴ Kweni, usiku uwu, pakuŵa kuti ichi chingamanya kutora maora kuti titore mwakufwasa chimoza cha visambizgo, ine nkhuKhumba kuti nditore, usiku uwu, “Paulos, mkayidi,” na kutora chisambizgo chakuti: *Mkayidi.*

Sono tiyeni tisindamiske mitu yithu pa kanyengo waka.

⁴⁵ Fumu Yesu, munthu waliyose, uyo wali na kumanya kwakuthupi, wangamanya kujura mapeji gha Baibolo ili, kweni Mzimu Mutuŵa wekha wangamanya kumasulira Ichi mu kurongosora uko ili likung’anamura kuchita. Ise tikumuromba Iyo kuti wafike sono ndipo wativwire ise kuti tipulikiske icho ichi chikaŵa, chikayowoyeka, mukuru uyu, muprofeti wankhongono, Paulos, ndipo wakujichema iyomwene “mkayidi.” Nkhuromba Mzimu Mutuŵa wavumbure ichi kwa ise apo ise tikulindizga kwa Iyo, mu Zina la Yesu Khristu. Amen.

⁴⁶ Sono ine nkhumanya kumulingalira, Paulos, apo iyo wakalemba kalata iyi kwa Filimon, umo iyo wakakhalira mu gadi, kusika kula mu chitolokosi cha msumba uwu, a—a—mkayidi. Ndipo iyo wakamanya makoraghene, mwa udindo wake icho mazgu ghakang’anamura. Iyo wakazingirizgika na—na—na visulo. Iyo—iyo wakamanya kumasulika kuti usange munyake wakamanya kumuzomerezga iyo kuti wamasulike. Ndipo iyo wakamanya icho chikaŵa kuŵa mkayidi. Ndipo ntheura, kamozaso, ine nkhuGomezga kuti a—

mupostoli wakang'anamura waka pachoko...ntha nkhanira kuyowoyera ichi ku nyengo yake yasono, umo pakuwa mkayidi wa wake—umunthu wake wakhala muno mu ili—gadi ili. Kweni ine nkugomezga iyo wakarongosoranga ku wake—umunthu wake, wake—wake—mzimu wake, khumbo lake, pakuwa mkayidi, kwa Yesu Khristu.

⁴⁷ Sono, ise tose tikubabika, munthu wakuchita kusankha kwawanangwa, kuti tipange chigamuro chirichose icho ise tikukhumba kupanga. Chiuta mwaurunji wakuchita icho. Chifukwa, Iyo wakwenera kuti wamuwika munthu waliyose pa lufura lwakuyana, panji Iyo wakaŵikapo munthu wambura kwenerera pa...Iyo wakaŵikapo munthu wakudanga pa lufura lakwanangika, kuti Iyo wakamuwika pa kusankha kwawanangwa. Mukuwona? Ise tiri nkhanira ndendende, usiku uwu, ngati Adam na Eva. Paliye mphambano. Chiweme na chiheni vyakhala nkhanira panthazi pa yumozayumoza wa ise. Umoyo na nyifwa, ise tingamanya kupanga kusankha kwithu; chiri kwa imwe, kuti mupange ichi. Mukuwona?

⁴⁸ Umo ndimo Adam na Eva wakachitira, ndipo, wonani, ndipo—ndipo iwo wakasankha mwaujira. Ndipo sono, mwa icho, chikuwika mtundu wose, mtundu wa wanthu, pasi pa nyifwa, chilango cha nyifwa.

⁴⁹ Ndipo pamanyuma Chiuta wakakhira pasi mu kawonekero ka munthu ndipo wakatora nyifwa yira, ndipo wakalipira chilango cha nyifwa, kuti a...wanthu Wake awo wakakhumba kuti—kuti waŵe wakumasuka wakamanya kuwa wakumasuka.

⁵⁰ Sono, usange Iyo wakatitora ise, kwambura nthowa yeneyira Iyo wakachitira Adam na Eva, wakatijumphiskira waka ise mu chinyake, wakati, “Ine ndimuponoskeninge imwe kwali imwe mukukhumba kuponoskeka panji chara,” nthaura Iyo wakamuwika Adam na Eva pa—pa lufura lwakwanangika, imwe wonani. Kweni waliyose yumozayumoza wa ise wakwenera kuti wasankhe, zuwa ili, pakatikati pa nyifwa na umoyo. Ise tingamanya kuchita ichi.

⁵¹ Umo ine nanguyowoyera waka, usange kuwara kwako kusimikizgirenge, umoyo wako usimikizgirenge nkhanira chigaŵa icho iwe uli. Ine nkupwerera chara kasi ndi chigaŵa uli icho iwe ukuyowoya kuti uli. Icho iwe ukuchita, zuwa lirilose, chikusimikizgira icho iwe uli. Imwe muli kupulika kayowoyero kakale, “Umoyo wako ukuyowoya mwakukwezga chomene, ine nkupulika chara ukaboni wako.” Mukuwona? Vyinū—vyakuchitika vyinu vikubangura chomene.

⁵² Ine nyengo zose ndakhala nkugomezga mu kuchemerezga na kudukaduka. Kweni ine nyengo zose ndakhala nkuyowoya kuti, “Ntha ungadukanga muchanya chomene kuruska umoyo uwo iwe ukukhala, chifukwa charu chiwonenge icho.” Imwe mukuwona? Iwe ukwenera kuti uduke waka muchanya umo iwe

ukukhalira umoyo, ntheura, chifukwa munyake wakukuwona iwe. Ndipo sono para . . .

⁵³ Wanthu ntha wizenge ku tchalitchi. Iwo—iwo, wanandi wa iwo, ntha wachitenge ichi. Ndipo wanjji wa iwo, awo ntha wizenge, ndi wanthu waneneska. Iwo wawona uchivundi unandi chomene mu mpingo, mpaka iwo ntha wakukhumba kuwa na chinyake chirichose chakuchita na ichi. Ndipo nyengo zinandi, ise tikuyowoya pa ghanoghano lapakweru la icho, imwe ntha mungawasuska iwo, wonani, chifukwa cha—cha umo wanthu wakuchitira. Iwo wakujichema iwoŵene Mukhristu. Iwo ndi chikhuwazgo chikuru chomene icho charu chiri nacho, ndi mwanarumi na wanakazi awo wakuyowoya kuwa Mukhristu, ndipo wakukhala umoyo wakulekana na kuyowoya kwawo. Nkhanira ndendende.

⁵⁴ Sono, pakuti kukhumudwiskika kuzamkwiza pa Cheruzgo. Sono, wakwananga, wakuguriska moŵa, wanjuga, muzaghali, iyo—iyo ntha wamkukhumbudwa kupulika chigamuro chake chikuti, “Kuti urutenge mu moto wambura kumara.” Iyo ntha wamkukhumudwa. Kweni munthu yura uyo wakuyezga kujibisa iyomwene kuseri kwa mtundu unyake wa kuyowoya kwa mpingo, uyo ndi mnyamata uyo wazamkukhumudwa pa Zuwa la Cheruzgo. Mukuwona? Uyo wakuyowoya kuti ndi Mukhristu, ndipo wakukhala umoyo unyake. Chingaŵa chiweme kwa iyo kuti iyo ntha wakayowoyapo mtundu unyake uliwise wa kuzomerezga, wakayambapo, kuruska kuyambapo na kukhala umoyo wa mtundu unyake. Chifukwa, iyo ndi chikhuwazgo chikuru chomene ise tiri nayo, ndi wakuyowoya yura uyo wakuyowoya kuti iyo—iyo—iyo ndi Mukhristu, ndipo wakukhala umoyo unyake wakulekana.

⁵⁵ Nyengo zose, ntha ungapimanga umoyo wako na unandi wa nkhangono iwe uli nazo zakuchitira minthondwe. Ndipo ise ntha tikujipima taŵene na unandi wa kumanya uko ise tiri nako kwa Mazgu. Kweni nyengo zose jipimeni mwaŵene, laŵiskani kunyuma na kutora chiŵerengero cha kasi ndi mtundu uli wa chipaso icho umoyo uwo imwe mukukhala sono ukupambika. Mukuwona?

⁵⁶ Umo ine nkapharazgira nyengo yinyake kale, pa ungoro wa wanthu wamalonda mu Phoenix, Arizona, za kuwoneskeka kwa Yesu, kuwoneskanga Umoyo wa Mukhristu. Ine nkhayowoya kuti ine nkhababikira kumtunda kuno mu Kentucky, uko nkha chimizi chomene, chomenechomene kale apo ine nkhaŵa mwana. Ndipo mnyamata munyake muchoko uyu ntha wakaŵa na—na—na—na nyumba ngati ndi iyo ise tiri nayo kuno, uko ise tikaŵa na wanakazi wanandi chomene wakutowa awo wakachitanga kulaŵiska mu galasi, palipose mu nyumba, kuti wasunge sisi lawo mu malo, na vinyake ntheura. Kweni iyo wakaŵa na galasi limoza lichoko, kachibanthu waka wakakajinthika pa khuni kuwaro, uko kukaŵa benchi

lakuchapirapo, uko dada na mama wake wakachapiranga, ndipo iwo wakaskakula sisi lawo, na vinyake ntheura, kufumira ku kachibanthu kachoko aka ka galasi lakale kakajinthika pa khuni.

⁵⁷ Mu unenesko, uwo ndi mtundu wa nyumba iyo ise tiri nayo. Waliyose uyo wakukhumba kuti walaŵiske pa galasi, ise taŵana, ise tikachitanga kutora kabokosi na kukwera pachanya pa benchi lakuchapira, na kulaŵiska mu kachibanthu aka ka—ka galasi ilo ine nkhasora, ndamwene, mu viswaswa. Kula nthu kukaŵa kusika mu Kentucky. Uko ndi kuno mu Indiana, ku mtunda pa Msewu wa Utica kuno.

⁵⁸ Sono, mwana muchoko uyu wakaŵa wandajiwonepo ijomwene ngati ntheura. Ntheura, iyo wakafika ku mumba, kuti wakakaŵachezgere agogo ŵake ŵanakazi. Ndipo pa a . . . Ili pa kuchežgera pa chipinda, gogo mwanakazi wakaŵa na nyumba iyo yikaŵa na galasi likuru pa chijaro. Ndipo ntheura, mnyamata muchoko, kuchimbiranga mwenemula mu—chipinda, wakawona mnyamata munyake muchoko kunthazi kwake. Ndipo mnyamata muchoko wakachimbiranga, nayoso. Ntheura iyo wakaghanaghana kuti iyo wayime pa maminiti ghachoko ndipo wawone icho mnyamata muchoko wachitenge. Ndipo para iyo wakati wayima, mnyamata muchoko wakayima. Para iyo wakang'anamura mutu wake, mnyamata muchoko wakang'anamura mutu wake. Iyo wakakwantha mutu wake, mnyamata muchoko wakakwantha mutu wake. Paumaliro, wakasenderera kufupi, kuti wawoneseske. Ndipo iyo wakang'anamuka. Ndipo mama wake wakamulaŵiskanga iyo, na agogo ŵake ŵanakazi, mwa kuzizwa. Wakati, "Chifukwa, amama, uyo ndine."

⁵⁹ Ntheura ine nkhayowoya, kuti, "Ise, nateso, tikuwoneskera chinyake." Mukuwona? Umoyo withu ukuwoneskereka.

⁶⁰ Ndipo sono, usange ise tikakhalenge mu mazuŵa gha Nowa, kasi ise nthena tikatora chigaŵa chanjani? Kasi ise nthena tikatora chigaŵa uli mu nyengo yikuru yira iyo Nowa wakakhalamo? Kasi ise nthena tikatora chigaŵa uli mu nyengo ya Moses? Kasi ndi chigaŵa uli mu mazuŵa gha Eliya, muprofiti, apo charu chose chikamirimitizgika mu—chiwungawunga chikuru cha—cha umakono, ngati Jezebel wasono, ndipo wakapuruskira ŵateŵeti wose ŵa Yehova mu kachitiro ka charu? Ndipo mpingo na ŵasofi wose ŵakamugwadiranga iyo. Kasi imwe nthena mukatora chigaŵa cha kutchuka, panji kasi imwe nthena mukayima na Eliya?

⁶¹ Sono, mu mazuŵa gha Fumu Yesu, para ise tingaghanaghana za Munthu uyu wambura kutchuka, wambura kusambizgika na charu, kukaŵavye sukulu iwo ŵakamanya kusanga kuti Iyo wakarutako, ndipo wakaŵavye—wakaŵavye chakumuchitikira cha ku seminare. Ndipo—ndipo ntheura wakakula na zina lakuti

“wakubabikira mu chigololo.” Ndipo pamanyuma wakafika, kupharazganga Ivangeli ilo likaŵa lakususkana na chirichose icho iwo ŵakasambizgika. Chomene. . . Ndipo wakasuskanga ŵapharazgi na mabungwe ghawo, na vinyake nthaura.

⁶² Ndipo mabungwe ghakayowoya a—a—makani, “Usange munyake wakaruta kukamupulika uyu ŵakuti muprofeti, wazamkusezgeka mu sunagoge,” cheneicho kukaŵa—kwananga kwakuthupi. Iwo ŵakayenera kuti ŵapataule. Nthowa yimoza pera iwo ŵakamanya kusopa yikaŵa pasi pa ndopa za mwanamberere. Iwo ŵakayenera kuti ŵafike ku sembe iyi. Ndipo—ndipo pamanyuma iwo ŵakaŵa ŵakusezgeka, ndipo kasi ichi chikaŵa chinthu chikuru uli.

⁶³ Ndipo Munthu uyu wakakana chantheura ngati icho. Ndipo kweni Iyo wakaŵa nkhanira wakufikapo na Lemba, kweni nthu umo iwo ŵakamanyira Ichi. Kasi imwe nthena mukatora chigaŵa uli? Mukuwona? Sono, nthu. . . Umoyo winu uwo imwe mukukhala sono, ukuwoneskera sono icho imwe nthena mukachita panyengo yira, chifukwa imwe muchali ndithu ŵakukoreka na mzimu weneula. Mukuwona? Usange imwe mwatora chigaŵa icho sono, na iwo, imwe nthena mukachita ichi panyengo yira. Chifukwa, mzimu weneula uwo uli mwa imwe sono ukaŵa mu ŵanthu nyengo yira. Mukuwona?

⁶⁴ Devulu wakutora mzimu wake chara; iyo wakufumamo waka mwa munthu yumoza na kunjira mwa munyake.

⁶⁵ Chiuta nthu wakutora Mzimu Wake, yayi; Uwu ukuruta kufuma mwa yumoza kuruta mwa munyake. Mukuwona?

⁶⁶ Ntheura, Mzimu weneula ukaŵa pa Eliya ukiza pa Elisha, Umoza weneula pa Yohane Mubapatizi, na ŵanyake nthaura.

⁶⁷ Mzimu Mutuŵa, ukaŵa pa Khristu, ukiza pa ŵasambiri, wose kufuma nyengo yira, ndipo uchali pa ŵanthu. Imwe mukuwona? Chiuta nthu wakutora Mzimu Wake.

Ntheura ise tiri apo, kuti tipange chisankho chithu.

⁶⁸ Ndipo ine—ine nthu nkhuwona apa uko Paulos wakadandaulanga chirichose, na kuyowoyanga kuti iyo wakaŵa wachitima kuti iyo wakaŵa mkayidi. Kweni iyo wakajiyowoyanga iyomwene. . . Ine nkhuwomezga kuti Paulos, apo iyo wakalemba kalata iyi na chakulemba chira, kuti wakaŵa Mzimu Mutuŵa kumupangiskanga iyo kuti walembe icho. Kuti, panyake, nanga nkhuwomezga ku usiku uwu, mwakuti ise tingamanya kutora makani gha mutu withu, kuti tiwoneske chifukwa icho Paulos wakachitira ichi. Chifukwa, ichi ndi Malemba, ndipo Malemba ndi Ghamuyirayira. Ine nkhuwomezga, kuti, chikhali mu gadi lakale ili la mdima, kuti Paulos wakalemba kwa mubwezi wake apa, kuti, m’bale wake, kuti iyo wakaŵa “mkayidi wa Yesu Khristu.” Ntheura, iyo wakamanya kuwoneska ichi pakuwona icho chikamuzingilira iyo. Sono, iyo wakaŵa mu gadi, kweni icho nthu ndicho iyo

wakayowoya kwa, uyu—muteweti uyu wa Khristu, mupharazgi pamoza na iyo. Iyo wakayowoyanga kuti iyo wakaŵa mkayidi wa Mazgu gha Yesu Khristu, chifukwa Khristu ndi Mazgu.

⁶⁹ Ndipo Paulos wakaŵa munthu wakusambira chomene mu nyengo yake. Iyo wakaŵa na chakukhumba chikuru. Iyo wakaŵa a—iyo wakaŵa a—a—munthu uyo wakasambizgika na, na ŵanthu, munthu wakumanyikwa na zina lakuti Gamaliel, uyo wakaŵa musambizgi mukuru mu nyengo yake, yimoza ya sukulu zikuru uko iyo wakaruta. Mwa chiyerezgero, ngati ndiumo ise tikuyowoyera, Wheaton, panji Bob Jones, panji sukulu yinyake yakuzirwa. Iyo wakasambizgika ngati—ngati—ngati mupharazgi wa Mazgu. Ndipo iyo wakaŵa wakusambira chomene, ndipo wakuchenjera, ndipo mnyamata wazeru uyo wakaŵa na chakukhumba chikuru chakuti panyake zuŵa linyake kuzakaŵa msofi panji msofi mukuru ku ŵanthu.

⁷⁰ Iyo wakaŵa na chakukhumba. Ndipo ntheura kusanga, kuti, chakukhumba chikuru ichi icho iyo wakasambizgikira, ndipo wakakhala umoyo wake wose, kufumira panyake msinkhu wa virimika pafupifupi eyiti panji teni, kufika pafupifupi sate panji sate-fayivi, para iyo wakati wamalizga ku koleji ndipo wakakhozgeka; ndipo wakaŵa na madiploma ghake ghose na chirichose, ndipo wakayima na wose ŵa—ŵaliska, nanga nkhuŵa ku msofi mukuru ku Yerusalemu. Iyo wakapokera malanguro kufuma kwa iyo, malanguro gha kwa iyomwene, ghakulembeka, ndipo wakagomezgeka na Sauli mukuru uyu, “Kuti warute kusika ku Damaseko na kuti wakaŵasange wose ŵara kusika kula awo ŵakasopanga Chiuta mwakususkana na icho iyo wakayowoya, na kuti wakaŵamange iwo na kuŵaŵika iwo mu gadi.” Usange ntchakwenerera, iyo wakaŵa na malanguro kuti wakaŵakome iwo, usange iyo wakakhumbenge kuchita. Iyo wakaŵa . . . Iyo wakaŵa na chakukhumba chikuru.

⁷¹ Ndipo sono, vyose ivyo iyo wakasambizgika, Chiuta wakafumiskamo vyose mwa iyo. Mukuwona? Ndipo icho chikaŵa chakulinga chake, na icho adada ŵake ŵakanangirapo ndalama, na vyakukhumba vya adada na amama ŵake, vyose vikafumiskikako kwa iyo chifukwa chakuti—Chiuta wakaŵa na chinthu chinyakeso. Ipo, iyo wakaŵa mkayidi ku chakulinga chake icho iyo wakaŵa nacho mu umoyo, ndipo wakazgoka mkayidi kwa Yesu Khristu, Uyo wakaŵa Mazgu.

⁷² Ulendo ula wa ku Damaseko ukamusintha Paulos. Wakwiza wakukhira, pafupifupi eleveni koloko, panyake, mu muhanya, kuti iyo wakatimbikira pasi. Ndipo iyo wakupulika Lizgu, likuti, “Sauli, ntchifukwa uli iwe ukundizikizga Ine?” Ndipo iyo wakalaŵiska kuchanya. Ndipo kulaŵiskanga kuchanya, pakuŵa Muyuda, ndipo wakamanya Laŵi lira la Moto wakaŵa Yehova uyo wakarongozga ŵana ŵa Israel, chifukwa iyo wakamanya kuti lira ndicho Ili likaŵa.

⁷³ Kumbukirani, Muhebere uyu nthena wakachema chara chirichose kuti “Fumu,” chilembo chikuru F-u-m-u, Elohim, pekhapekha iyo wakakhutira kuti chira ndicho Ili likaŵa, chifukwa iyo wakaŵa munthu wakusambizgika. Ndipo para iyo wakati walaŵiska kuchanya, ndipo iyo wakakuwona Uku, Kuŵara, Laŵi la Moto ilo likarongozga ŵanthu ŵakwake mu mapopa, ndipo iyo wakati, “Fumu,” Elohim, chilembo chikuru F-u- . . . “Fumu, Ndimwe njani Imwe?”

⁷⁴ Ndipo kasi ichi chikayenera kuŵa chakuzukumiska uli kwa wakusambira vyauchiuta uyu, kuyowoya kuti, “Ine ndine Yesu,” Mweneyura uyo iyo wakatinkha chomene. Kasi—ntching’anamuka uli! O! O! Ichi chikayenera kuti chikaŵa chinyake chakofya chomene kwa munthu uyu, kuti vyakukhumba vyake vyose ivyo iyo wakaŵa navyo, kuti wakasanga, mbwenu pa nyengo yimoza, iyo wakazikizganga. Vyakukhumba vyake vikamukankhira iyo ku—kutali chomene kufuma ku chinthu cheneko icho iyo wakakhumba kuti wachite. Ndipo kasi—kasi chikaŵa chakumuzimiska chikuru uli ichi chikayenera kuti chikaŵa, kwa mupostoli uyu, para Iyo wakati, “Ine ndine Yesu,” Mweneuyo iyo wakazikizganga. “Kasi iwe ukundizikizgirachi Ine?”

⁷⁵ Chiduswa chinyake chichoko ise panji tingaponyamo umu. Imwe wonani, apo iwo ŵakuseka Mpingo, iwo nthā ŵakuseka Mpingo, iwo ŵakumuseka Yesu. “Kasi iwe ukundizikizgirachi Ine?” Kasi vikachitika uli Paulos pamanyuma, na mahara ghake ghose gha m’mutu, wagomezge kuti Ichi wakaŵa. . . kuti Gulu ili leneilo iyo wakazikizganga wakaŵa Chiuta mweneyura uyo wakayowoya kuti wakatumikiranga? Ine nkughanaghana ndicho ichi, kwambura kuruta mu kurongosora, ine nkughanaghana kuti ise tose tiri kusambizgika mwakukwanira chomene kuti timanye icho ine nkhung’anamura apa. Chinthu chenechira chikuchitika muhanyauno.

⁷⁶ Paulos, kwizira kwambura kumanya, kweni wakaŵa wazeru za m’mutu ndipo wakuchenjera, wakuchenjera chomene kuruska ŵara ŵambura kusambira ŵa Galileya awo iyo wakazikizganga, awo wakaŵa mu kujikhizga kwawo ŵakaŵa kuti ŵamuzomera kale Munthu uyu ngati Fumu. Kweni, Paulos, mu kusambizga kwake kukuru na mahara ghake gha m’mutu, wakazomera chara Icho. Ndipo kasi kukaŵa kung’namuka uli uku kukaŵa kwa iyo, pa ulendo uwu. Ndipo iyo wakazgoka wachiburumutira, nthaura iyo wakatondeka kurutirizga ntchito yake, kweni wakarongozgekera kusika ku malo mu msewu wakuchemeka Wakunyoroka, na nyumba ya yumoza.

⁷⁷ Ndipo pamanyuma wakiza muprofeti kusika kula, zina lake Anania, uyo wakawona mu mboniwoni, iyo wakwiza, wakawona uko iyo wakaŵa, wakaruta kusika uko iyo wakaŵa, ndipo wakanjira mwenemula. Ndipo wakati, “M’bale Sauli, Fumu yikakuwonekera iwe pa msewu kusika; yandituma ine, kuti ine

ndiŵike mawoko ghane pa iwe, ndipo iwe ukopere kulaŵiska kwako ndipo uzuzgike na Mzimu Mutuŵa.”

⁷⁸ Wonani uko iyo wakaŵa. Kasi—kasi chikayenera kuti chikaŵa chinthu uli kwa Paulos! Mukuwona? Vyose ivyo iyo wakasambizgika kuti wachite vikasintha. Ntheura sono, na—na masambiro ghose iyo wakaŵa nagho, ichi—ichi chikazgoka waka chambura phindu kwa iyo.

⁷⁹ Sono, iyo wakamanya kuti iyo wakaŵa na chakumuchitikira. Ntheura apa pali chisambizgo chinyake chiweme kwa ise, kuti, chakukuchitira chekha pera ntchakukwanira chara. Ichi chikwenera kuŵa chakukuchitikira chakulingana na Mazgu gha Fumu. Ntheura, iyo pakulaŵiskanga ichi, na kumanya kuti Ichi chikaŵa Chinyake chikuru, ntheura, kuti munthu munyake wakapokera Ichi pambere iyo wakaŵa wandachipokere, iyo wakatora virimika vitatu na myezi sikisi kusika mu—mu mapopa gha ku Arabia; kutoranga—Baibolo, umo Ichi chikaŵirako kale, Chipangano Chakale, na kurutanga kusika kula, kuti—kuti wakalinganizge chakumuchitikira ichi icho iyo wakaŵa nacho, na kuwona usange Ichi chikaŵa cha m’Malemba.

⁸⁰ Sono uli usange iyo wakayowoyenge, “Inya, ine nkhusachizga kwanguŵa kumara kwa mphepo yamkuntho pachoko,” ndipo yikarutirira? “Ine ndirondezugenge zeru zane za m’mutu”?

⁸¹ Sono, iyo wakayenera kuti wazgoke wakukakika ku chinyake, mkayidi. Ntheura pamanyuma pa kuchilinganizga ichi, na kulaŵiskanga, ndicho chifukwa iyo wakamanya kulemba Buku la Ŵahebere, mu chakuyimira. Mukuwona? Virimika vitatu na hafu kusika kula, kusambiranga Mazgu, na kusanganga kuti Chiuta mweneyura uyo wakamuchema iyo wakamutoreranga iyo kunyuma, na kusinthanga zeru zake zose za m’mutu, kusintha vyose ivyo iyo wakaghanaghana, vyose ivyo iyo wakasambizgika kuzakaŵa. Vyakukhumba vyake vyose, wakasisita waka vyose mwa iyo, ndipo iyo wakazgoka mkayidi. Chitemwa cha Chiuta chikaŵa chiweme chomene, ndipo uvumbuzi—wantheura, kuti iyo ntha wakamanya kufumako ku Ichi.

⁸² Icho ndi chakumuchitikira cheneko cha wakugomezga waliyose muneneska uyo wakumana na Chiuta. Iwe—iwe ukukumana na Chinyake icho ntchikuru chomene, kuti iwe...kuti—kuti ukuzgoka—mkayidi, ku chinyake chirichose. Mukuwona? Iwe—iwe ukufumako ku chinyake chirichose, kuti ukajikakirire wamwene ku Ichi.

⁸³ Ichi chikawoneskeka nyengo yimoza uko Yesu wakati, “Ufumu wa Kuchanya ndi chinyake ngati munthu wakugura ngare. Ndipo ntheura para iyo wayisanga Ngare yikuru yira, iyo wakuguriska vyose ivyo iyo wali navyo, kuti wagure Yimoza yira.”

84 Ndipo umo ndimo chiliri apa. Imwe—imwe muli na kapulikiskiro ka zeru za m'mutu, imwe muli na—na—na—chakumuchitikirani cha kusambira vyauchiuta; kweni para ichi chafika ku nyengo para imwe—imwe—imwe mwachisanga nadi Chinthu cheneko, imwe—imwe mukuguriska waka chinyake chirichose, ndipo imwe mukujjarira mwaŵene mkati ku Ichi.

85 Paulos wakamanya icho ichi chikaŵa. Iyo—iyo wakasanga kuti iyo wakakakikira ku Chinyake. Ngati ndiumo ise tikuŵikira a—a—hachi mu vingwe, ichi ntchakuti—ichi ntchakuti chiguze chinyake. Ndipo Paulos wakamanya, pamanyuma pa chakumuchitikira ichi, ndipo virimika vitatu na hafu vya kulembanga—chakumuchitikira iyo wakaŵa nacho, na Baibolo, iyo wakamanya kuti Chiuta wakamusankha iyo ndipo wakamukakirira iyo na Mzimu Mutuŵa, chakumuchitikira icho iyo wakaŵa nacho, kuti waguzire Ivangeli pamaso pa Ŵamitundu. Mzimu, Iwowene, ukamukakirira iyo.

86 Ndipo, muhanyauno, ngati ŵateŵeti ŵa Khristu, ise tikuzgoka ŵakukakiririka, ŵakukoreka. Ise nthā tingafumamo. Ise tanjizgika mkati na Ichi, kukakiririka ku Mazgu. Pali je kanthu kwali munyake wakuyowoya vichi, iwe wakakiririka ku Ichi. Pali chinyake za Ichi, kuti iwe nthā ungapumako ku Ichi. Iwe walumikizika na Ichi, na Mzimu Mutuŵa, wakulumikiza iwe ku Mazgu. Kwali munyake waliyose wakuyowoya vichi, Ichi ndi Mazgu. Agho nyengo zose ghakukakiririka na Ichi, kuŵikika mu goliwori na Ichi. Ku Mazgu, na Mzimu, iyo wakakakiririka.

87 Iyo wakasambirira ku—kuseri kumphepete kwa chipalamba cha Arabia kula. Apo, vinthu vyake vyose vyakale, na vyakumuchitikira, na chakukhumba, kuti, iyo wakapokeka vinthu vira.

88 Sono, uko ndiko ise tikusanga, muhanyauno, kuti ise tikwenera kuti tipokeke, chakudanga. Ndipo ŵanthu ŵakukhumba chara kuti ŵapokeke. M'bale wa Methodist wakukhumba kuti wakoreskeko pachoko ku chisambizgo chake cha Methodist. U-nhu. M'bale wa Baptist wakukhumba kuti wakoreskeko pachoko ku chisambizgo chake cha Baptist. Mukuwona? Kweni iwe ukwenera kuti upokeke chirichose, ndipo ubabikeso waka, kamosaso. Ndipo yambako kufumira apo, zomerezga Mzimu Mutuŵa wakurongozge. Iwe nthā ungapumoya, “Inya, sono, wane—dada wane wakati, para iyo wakati wafika, wakanjira mu tchalitchi, iyo wakakorana chasa na mliska. Iyo, iyo ndi membara muweme wakupulikira.” Chira panji chikaŵa makora waka ku mtundu wake, kweni ise ndise mtundu unyake. Mukuwona? Sono ise tikwenera kuti tiwerere ku nyengo za Baibolo ku zuŵa ili.

89 Ŵasofi ŵakakakiririka, nawoso. Kweni, imwe wonani, iwo ŵakafika mu dongosolo linyake, ndipo iwo—iwo ŵakutondeka

kutaya vyakuwakakirira vyawo na kuvwara chakuwakakirira chiphya.

⁹⁰ Ndipo chinthu chenechira ise tikuchisanga muhanyauno. Ise nadi tikizira mu muwiro wa bungwe, umo ise tikasimikizgira ichi mu miwiro ya mpingo, Baibolo, na vinyake ntheura, kweni ise tikwiza sono ku muwiro wa wanangwa, uko Mzimu Mutuwa Iyomwene wakwiza na kujikhozgera Iyomwene, na kujipanga Iyomwene kumanyikwa, wakupanga phangano lililose ilo Iyo wakalayizga, kuti likwaniriskike. O, mwe! Nyengo yikuru uli!

⁹¹ Ndipo iyo wakachimanya icho, chinthu chinyake, iyo wakamanya kuti iyo ntha wakamanya kuruta ku malo. Kuti, pakuwa wakukakiririka ku Ichi, kuti iyo ntha...kuti iyo wakachita, kweni iyo—iyo wakakhumbanga kuti warute. Iyo wakamanya kuti chakukhumba chake chikamuguzira iyo pakati pa wabale uko iyo wakachemeka kuti wafike, ndipo kweni iyo wakakoserezgeka mu Mzimu kuti wachite chinthu chinyakeso. Iyo ntha waka wa iyomwene.

⁹² Panyake munyake wangamanya kuyowoya kuti, “M’bale Sauli, M’bale Paulos, ise tikukhumba kuti iwe ufike kudera kuno, chifukwa ise tiri na tchalitchi likuru chomene. Ise tiri na gulu likuru chomene. Zithero zako zizamkuwa zinandi, na vinyake ntheura.”

⁹³ Kweni pakuwa wakukoserezgeka mu Mzimu, iyo wakaghanaghana, “ine ndiri na m’bale kula. Ine nkukhumba kuti ndiruteko ndipo nkhamuponoske m’bale uyu, kumutorera iyo kwa Fumu.” Kweni, ndipouli, Mzimu ukamukoserezga iyo kuti warute kumalo kunyakeso. Iyo waka wa mkayidi. Unenesko.

⁹⁴ O Chiuta, tipangeni ise wakayidi ngati ntheura, kufuma ku vyakukhumba vithu vyatawene, na kufuma ku viyeruzgo vithu taawene na kaghanaghaniro kithu kaweme, kuti tiwe mkayidi wa Yesu Khristu. Ine nkughanaghana ghara ghaka wa makani ghakuru, ghakuti, “ine ndine mkayidi kwa Yesu Khristu.”

⁹⁵ Ndipo kumbukirani, Iyo ndi Mazgu. Mukuwona? Kwali munyake wakughanaghana vichi, ichi ndi Mazgu. Mukuwona? Usange iwe ndiwe mkayidi ku Mazgu, kulije bungwe lingamanya kukupatuskako iwe ku Ichi. Ichi ndi—ichi ndi Mazgu. Iwe ndiwe waka...Iwe ndiwe mkayidi ku Ichi, mbwenu kwamara. Iwe ukwenera kuchita umo Ichi chikuchitira.

⁹⁶ Sono, iyo nthena wakaruta chara ku malo kunyake uko iyo wakakhumbanga, chifukwa, (chavichi?) Mzimu ukamukanizga iyo. Imwe mukukumbukira, nyengo zinandi, kuti Paulos wakayezganga kuti warute kumalo kunyake, kughanaghanga, “Kula ndiko ine ningamanya kuwa na ungano ukuru,” kweni Mzimu ukamukanizganga iyo. Sono, kasi icho chikurongosora pakweru na kusimikizgira kuti Paulos wakawa mkayidi? [Gulu likuti, “Amen.”—Munozgi.] Mkayidi

kwa Yesu Khristu, wakukakiririka ku Mazgu Ghake, na Mzimu! O! Ine nkhuchitemwa icho. U-nhu.

⁹⁷ Iyo wakakakika. Iyo wakakakika na tcheni, na vingwe vya chitemwa, kuti wachite khumbo la Chiuta, ndipo lira pera. Iyo wakaŵa mkayidi. Iyo wakaŵa mu vingwe vya chitemwa. Iyo wakaŵa mu goliwori na Khristu. Iyo nthena wakakoroŵekana na chinyake chara. Iyo wakakoroŵekana na Iyo. Ndipo uko Murongozgi wakaruta, uko ndiko iyo wakayenera kuruta. Kwambura kupwerera umo viweme vikaŵirako, uku kudera *uku* panji kudera *uko*, iyo wakayenera kuruta uko Murongozgi na goliwori vikaruta.

⁹⁸ O, usiku uwu, usange ise, ngati Branham Tabernacle, tingazgoka waka ŵakayidi; ku umunthu withu taŵene, ku vyakukhumba vithu taŵene, mwakuti ise tingamany kujipereka kwathunthu taŵene na kuŵa ŵakukoroŵekeka kwa Iyo, kwambura kupwerera icho ŵanyake wose ŵa charu ŵakughanaghana vichi, icho ŵanyake wose ŵa charu ŵakuchita. Ise tiri kukakika na vingwe vya chitemwa. Ise ndise ŵakayidi. “Marundi ghane ngakukoroŵekeka chomene kwa Khristu, igho nthā ghavinenge. Maso ghane ngakukoroŵekeka chomene kwa Khristu, mpaka ine, para ine nkhuwona ŵakwenda nkhole ŵasono aŵa pa msewu, Ichi chikutembenura mutu wane. Wane—mtima wane ngwakukoroŵekeka chomene mu chitemwa kwa Iyo, mpaka ine nkhutondeka kuchitemwa charu ichi, munthowa yiriyose. Khumbo lane ndakukoroŵekeka chomene kwa Iyo, mpaka ine nthā nanga nkhumanya sono icho vyakukhumba vyane viri. Mbweni, ‘Kulikose Imwe mukundirongozgera, ine ndimurondezgeninge, Fumu.’ Ine ndiŵenge mkayidi.” Mukuwona?

⁹⁹ Paulos wakaŵa mkayidi nadi. Iyo nthā wakayowoyanga makani ghakwanangika. Iyo wakasambizgika na Mzimu Mutuŵa, kamosaso, kuti walindizge pa Mazgu. Sono, iyo wakasambizgika munthowa yimoza, kweni—kweni Chiuta wakamusambizga iyo munthowa yinyake sono. Iyo wakasambizgika na Mzimu Mutuŵa—kuti walindizge kwa Fumu, kwambura kupwerera icho vyakukhumba vyake vikaŵa.

¹⁰⁰ Sono ine ndichitenge, mwakovwirika na Mzimu Mutuŵa, ndimuwoneskeninge imwe chinyake. Mukuwona? Sono tiyeni titorepo waka chiyerezgero.

¹⁰¹ Zuŵa limoza, Paulos na Sila, ŵakakhiranga na msewu mu msumba unyake uko iwo ŵakaŵa na chisisimuso. Ndipo muchoko, msungwana wakukoreka na chiŵanda wakarutirira kumurondezganga iyo, kuchemerezganga kunyuma kwake. Ndipo kwambura nkhayiko kuti Paulos wakamanya kuti iyo wakaŵa nawo mazaza, ngati mupostole, kuti wawuchenye mzimu uheni ula ufumemo mu mwanakazi yura. Kweni kasi imwe mukawona? Iyo wakalindizga, zuŵa na zuŵa, mpaka,

mbwenu kwamabuchibuchi, Mzimu Mutuŵa wakayowoya kwa iyo, wakati, “Ora ndi ili.”

¹⁰² Ntheura iyo wakati, “Iwe mzimu, fumamo mwa iyo.” Mukuwona? Iyo wakamanya kulindizga kwa Fumu.

¹⁰³ Ndipo apo ndi penepapo ŵanthu ŵanandi chomene muhanyauno ŵakwiziskira soni pa Mazgu. Iwo ŵakuruta uko na chakukhumba. Kasi ndi visisimuso vilinga viri kulekeka vyambura chikoka chifukwa cha chinthu ngati icho, chifukwa muneni ntha wakulindizga kuti wawone icho Fumu yikwenera kuti yiyowoye! Ŵanji ŵa iwo ŵakuti, “Zaninge kudera kuno,” ndipo iwo—iwo ŵakuruta nkhanira sono chifukwa bu—bungwe likati, “Rutani.” Ndipo Mzimu Mutuŵa wayowoyenge chinthu chinyake chakulekana. Kweni, chakukhumba cha munthu kuti waŵe mlara wa chigaŵa, panji—panji chinthu chinyake, panji mlara munyake, panji bishop munyake, panji chinyake chingamanya kumukoka iyo, “Iwe ukwenera kuti urute.” Ndipo, kweni, iyo wakumanya makora. Mzimu Mutuŵa kuyowoyanga, “Ruta *uku*.” Mukuwona? Iyo wakoroŵekeka ku bungwe lake. Iyo ndi mkayidi ku bungwe.

¹⁰⁴ Kweni usange iyo wakoroŵekeka kwa Khristu, iyo wakurongozgeka na Mzimu Mutuŵa. Iyo...?...Mukuwona? Iyo, iyo wakoroŵekeka, ndi mkayidi. Ntha chikupanga mphambano yiriyose icho munyake wakuyowoya; ichi ndi—ichi ndi—ichi ndi—mkuŵa wakulira na belu wakulira. Iyo wakupulika Lizgu la Chiuta pera, ndipo iyo wakuyowoya pekha pera para Ichi chafuma. Iyo ntha wakuyowoya kalikose.

¹⁰⁵ Munyake wakuti, “O, o, M’bale Jones!” M’bale Roberts, panji munyake, ŵanthu ŵakuruŵakuru aŵa mu charu chithu muhanyauno, ngati Tommy Hicks, panji—panji—panji Oral Roberts, panji—panji M’bale Tommy Osborn, ŵaneni ŵanji awo ŵakuruŵakuru. Usange munyake wangayowoya, “Kuti, zanga kudera kuno, Tommy. Iwe ndiwe munthu mukuru wa Chiuta.” (Panji Oral.) “Ndipo ine—ine ndiri na—msibweni uyo wagona kudera uku, uyo ndi—uyo ndi wakukakika yose. Ndipo iyo ndi—iyo ndi murwari. Ine nkhuKhumba kuti iwe ufike. Ine nkhuGomezga kuti iwe uli na nkhuGongo zakumuchizgira iyo.” Mukuwona?

Ndipo panyake Mzimu Mutuŵa wayowoyenge kwa iyo, “Sono chara.”

¹⁰⁶ Kweni, ndipouli, kwa ubwezi wa munthu yura, iyo ndi wakukakamizgika kuti warute na iyo. Usange iyo ntha wakuchita, iyo wakuzgoka murwani kwa munthu yura. Munthu yura wakuti, “Inya, iyo wakaruta kwa *ngana-na-ngana*, wakachizga mwana yura panji mnyamata yura. Ine nkhumanya iyo wakachita. Ndipo ine ndiri mubwezi wake, pa virimika, wonani, ndipo iyo ntha wakizanga ku malo kwane.”

107 Kweni usange iyo wakoserezgeka na Mzimu Mutuŵa kuti wangarutanga chara, iyo ntchiweme watondeke kuruta, usange iyo wakoroŵekeka kwa Chiuta. Mubwezi wake, iyo wakamutemwa. Kweni ntchiweme iyo warongozgeke na Mzimu Mutuŵa kuti warute kula, chifukwa ichi ntha chakumuchitira chiweme chirichose, munthowa yiriyose. Ine chikundichitikira icho nyengo zinandi.

108 Kweni Paulos wakalindizga waka Mzimu kuti umuphalire iyo chakuti wachite. “Lindizgani ku Mzimu,” wakayowoya. Iyo wakayimirira usiku umoza, kupharazganga. Ndipo iyo wakafumako kula. Iyo wakawona munthu chikhwaŵi. Ndipo mbwenu pa nyengo yimoza, Mzimu ukayowoya kwa iyo, ndipo iyo wakati, “ine nkhuwona...” Uli? Umo iwo ŵakawonera kuti iwo ŵamkuchita ngozi, pa chilwa. Mukuwona? “Ine nkhuwona kuti iwe uli na chipulikano chakuti uchizgikenge. Yimirira pa marundi ghako. Yesu Khristu wakukupanga iwe wamusuma.” Mukuwona? Apo imwe muli. Iyo—iyo wakaŵa... Iyo wakakoroŵekeka. Iyo panji wakaŵa na chisisimuso cha kumara sabata kudera kula ndipo palije icho chikachitika, kweni ndipouli iyo wakalindizga Mzimu Mutuŵa kuti uyowoye. Mukuwona? Iyo wakakoroŵekeka ku chakupempha chakufikapo chira.

109 Sono imwe mukuti, “M’bale Branham, iwe ukususka icho iwe ukayowoya pa Sabata, za iwe kuti wakhala ukulindizga nyengo yose iyi.”

110 Ndipo, kweni, imwe mukukumbukira, ukaŵa Mzimu Mutuŵa uwo ukayowoya kwa ine kumtunda kula pa msewu, ndipo ukati, “Ine nkhekutuma iwe pakati pa ŵarwari na ŵakukomwa.” Mukuwona? Ichi ndi kupulikira ku Mzimu Mutuŵa. Nadi. Ine ntha nkharuta mpaka Iyo wakandiphalira ine kuti ndichite ichi. Ine nkhalindizganga NTHEURA WAKUTI YEHOVA, mpaka ine nkhapulika NTHEURA WAKUTI YEHOVA. Sono, icho ntchakulekana. Mukuwona? Sono, Ichi, Icho chikupanga mphambano. Inya.

111 Iyo wakalindizga Mazgu gha Fumu. Iyo wakapanikizgika mu Mzimu, kuti wachite kutuma kwa Chiuta pera, ntheura iyo wakazgoka mkayidi wa Yesu Khristu. Ŵabwezi, usange ise tingazgoka waka ŵakayidi!

112 Ine nkhumanya nkhwawotcha. Kweni ine—ine nkhekumba kuti ndizunurepo ŵanthu ŵanyake ŵakusazgirapo, usange imwe mungakhumba. Ine ndiri na pafupi sikisi panji eyiti ndalemba apa. Kweni ine—ine nkhekumba kuti ndizunure waka munthu munyake yumoza panji ŵawiri.

113 Tiyeni titore nkharo ya Moses. Iyo wakababika muwomboli. Ndipo iyo—iyo—iyo wakachimanya icho, kuti iyo wakababika muwomboli.

114 Kweni pambere ine nindayowoye za Moses, ine nkukhumba kuti ndiyowoye makani agha, kuti, Chiuta nyengo zose watorenge munthu waliyose, uyo wamutumikirenge Iyo mwaunenesko, kuti waŵe mkayidi Wake. Munthu wakwenera wapereke chakukhumba chirichose iyo wali nacho, chirichose icho iyo wali, chirichose—chinthu chirichose, umoyo wake, uzima, thupi, khumbo, vyakukhumba, na chinyake chirichose, na kuzgoka wakukwanira, mkayidi kwa Khristu, Uyo ndi Mazgu, kuti watumikire Chiuta.

115 Iwe panji ukwenera kuti uyende mwakususkana na kweruzga kwako kuweme. Panyake, mu bungwe linyake, iwe panji ughanaghanenge kuti iwo ŵangamanya kukukwezga iwe na kukupa iwe chinyake chikuru, kuti panji iwe ungaŵara. Kweni kasi wamwene ukujisanga vichi? Iwe ukujisanga wamwene wagonjeskeka, para pajumpha kanyengo, kufikira Chiuta wangasanga munthu uyo ngwakunozgeka kuzgoka mkayidi kwa Iyo.

116 Chiuta wakupenja ŵakayidi. Iyo nyengo zose wali kuchita ichi. Imwe panji mungamanya kupenja ichi mu Malemba. Munthu wakwenera kuŵa mkayidi kwa Khristu, kususkana na chirichose. Ipo, iwe nthu ungalumikizika ku chinyake kweni Khristu; nanga ndi dada wako, mama wako, mkulu wako, mdumbu wako, mufumu wako, muwoli wako, waliyose. Iwe ndiwe wakulumikizika kwa Khristu pera, ndipo Iyo pera, nthaura Chiuta wangamanya kukugwiriska ntchito iwe. Kukika apo, iwe ungachita chara.

117 Kufumiranga kuwaro, nyengo zinyake nkhuwowyoya mwankhaza ku ŵanthu. Mukuwona? Ine—ine nkhuwezga kuti imwe mumasuke. Imwe mukwenera kuti muŵe nagho malo ghakuyambirapo, ngati nyengo zinyake nkhwimikana na ŵanakazi kuyepuranga sisi lawo na kuvwaranga malaya agha, na kukoreska na kurutirira nkharo yawo ya Chikhristu. Kuti, “Ako nkhanthu kachoko.” Inya, iwe ukwenera kuti uyambire pa malo panyake. Ntheura yamba makora nkhanira uko, na ma ABC ghako. Mukuwona? Ndipo masukani ku mawonekero gha charu, munthowa yiriyose, ndipo muzgoke mkayidi kwa Khristu. Ndipo nthaura imwe rutiriranginge waka, masukani ku chirichose, mpaka paumaliro chingwe chaumaliro chidumuke. Ntheura imwe ndimwe—imwe ndimwe... Imwe ndimwe mkayidi pamanjuma. Imwe mukuŵa mu woko Lake. Iyo, Iyo wali na imwe mu woko Lake.

118 Sono, Moses wakamanya kuti iyo wakababika muwomboli. Iyo wakachimanya icho. Ndipo kasi imwe mwanguwona, na chakukhumba icho Moses wakaŵa nacho; pakumanya kuti mama wake wakamuphalirapo iyo kudera kula, apo iyo wakaŵa wantchito wakumulera.

119 Kwambura nkhaiyiko, para Moses bonda muchoko wakati wababika, kuti mama wake wakati, “Iwe ukumanya, Moses, para... Dada wako, Amram, na ine tikaromba rutaruta. Ise tikamanya, ndipo tikawona mu Mazgu, iyi yikaŵa nyengo ya kwiza kwa muwomboli. Ndipo ise tikaromba, ‘Yehova Chiuta, ise tikukhumba kuti timuwone muwomboli yura.’ Usiku umoza, Yehova wakatiphalira ise, mu mboniwoni, kuti iwe uzamkubabika, ndipo iwe uzamkuŵa muwomboli. Ise ntha tikaŵa na mantha na languro la fumu. Ise ntha tikapwerera icho fumu yikayowoya. Ntheura, ise tikamanya kuti iwe ukababika muwomboli. Sono, Moses, ise tikamanya kuti ise ntha tikamanya kukulera iwe makora.”

120 Sono kumbukirani, iwo ŵakaŵa kusika kula, virimika foru handiredi mu Egupto. Mukuwona?

121 “Ndipo ise—ise tikakhumbanga kuti tikusangire iwe—chinthu chakwenerera, masambiro ghakwenerera, kusambizgika kwakwenerera. Ntheura, ine nkhakutora ine ndipo nkhuŵika iwe mu kangaraŵa kachoko, ndipo nkhuŵika iwe kuwaro mu Nile. Ndipo mwachilendo chomene, kuti mweza wa maji ukakatora kangaraŵa kachoko kala kusika mu matete na minthavi, ndipo ghakakankhizgira aka nkhanira kusika, mitunda kutali, ndipo ukanjira nkhanira mu nyumba yaufumu ya Faro, uko wake... Mwana mwanakazi wa Faro wakaŵa, uko kukaŵa chiziŵa chake chakugezerako. Ndipo umo kuti—kuti ine nkhamanyira kuti iyo wakakhumbanga mwanakazi kuti wakulere iwe.”

122 Ndipo mu mazuŵa ghara, nkhumanya, iwo ntha ŵakaŵa nagho mabotolo agha kuti ŵalerere ŵana, ntheura iyo wakayenera kuti waŵe na—wakumulera wakuwonkheska. Ntheura...

123 “Ndipo, Miriam, Ine nkhamutuma iyo kusika. Ndipo iyo wakayimirira apo, ndipo iyo wakati, ‘ine nkhumanya uko ine ningasanga wakumulera wakonkheska,’ ndipo wakiza ndipo wakanditora ine. Ndipo, Moses, miryango yose njakujarika. Wakutemweka, iwe uli na virimika sikisitini sono, ndipo iwe uŵenge mwana wa Faro. Ndipo zuŵa linyake iwe uzamkuŵa muwomboli uyo wazamkutora ŵanthu kufumako kuno.”

124 Vyakukhumba vya Moses vikayamba kukura. “Ine ndisambirenge, amama. Ine ndisambirenge chirichose icho ine ningafiska. Imwe mukumanya icho ine ndichitenge? Ine ndisambirenge umo ine ningaŵira munthu wa nkondo, ndipo ine ndimanyenge umo ine ningaŵatorera ŵanthu aŵa kufumako kuno. Ine ndizamkuŵa mlara mukuru wa nkondo, bishop, ntheura ine ndizamkumanya umo ichi chikuchitikira. Ndipo ine ndi—ine ndizamkuchita ichi. Ine ndizamutora yane Ph.D panji LL. Ine ndizamuchita ichi.”

125 Ngati “Father Chiniquy,” usange imwe mukaŵazgapo mabuku ghake. Viri makora. Iyo “wazamkuwombora ŵa Protestant wose,” imwe mukumanya, ndipo iyo wakazgoka yumoza, iyomwene. Ntheura, musofi mukuru uyu, virimika vyakunyuma, “Father Chiniquy,” imwe mukwenera kuti mulisange buku lake ndipo muŵazge ili. Iwo ŵakumuchema iyo, “dada.” Iyo ndi M’bale Chiniquy, ndicho ichi chikaŵako. Ise ntha tikuchema munthu waliyose “dada,” ngati ntheura. Ntheura ise tikusanga kuti—kuti ise. . . Iyo wakati waŵazgenge Baibolo, ntheura iyo wakamanya kuruta kula na kusuka chisopo cha Chiprotestant na kupanga chose ichi Katolika. Ndipo para iyo wakati waruta kukaŵazga Baibolo, Mzimu Mutuŵa ukiza pa iyo, ndipo iyo wakapokera Mzimu Mutuŵa, ndipo pamanyuma—pamanyauma iyo wakazgoka yumoza wa iwo.

126 Ntheura pamanyuma wonani ichi, kuti Moses wakapokera kusambizgika kose. Chifukwa, iyo—iyo wakamanya. Iyo wakaŵa wakuchenjera chomene, wakusambira chomene, wazeru zinandi za m’mutu! Mpaka, kukaŵavye munyake. . . Iyo wakamanyanga nanga nkhusambizga ŵina Egupto. Mpaka, iyo wakamanyanga kusambizga ŵakumanya malingaliro ŵawo. Iyo wakamanya kusambizga ŵawo—ŵalara ŵankhondo ŵawo icho nkhondo yikaŵa. Iyo wakaŵa munthu mukuru. Ndipo ŵanthu ŵakamuwopa Moses, chifukwa cha ukuru wake. O, munthu wakusambira wantheura! Mwe! Iyo wakaŵa bishop mulara, panyake ngati papa. Iyo wakaŵa munthu mukuru. Ndipo iyo wakaŵa a—a—munthu wankhongono. Ndipo iyo wakamanya kuti iyo wakababika kuti wachite ichi, ndipo wakasambizgika, na chakukhumba chikuru, kuti wachite ichi.

127 Kuyana waka ngati muhanyauno. Ine ntha nkhuwoyoya kuti ŵanthu, kusambizgikanga mu sukulu izi, ine ntha nkhuwoyoya kuti. . . Ngati ndiumo iwo ŵaliri kuwaro uku Kumwera sono, iwo ŵazengenge sukulu ya handiredi-na-fifite-miliyoni dolazi ya kusambira vyauchiuta, wonani, ya Pentekosite, sukulu ya—handiredi-na-fifitemiliyoni-dolazi. Kwa ine, awo ŵakwenera kuŵa ŵamishonare ku utumiki. Mukuwona? Mukuwona? Mukuwona? Kweni, chirichose, kasi iwo ŵakuchita vichi para iwo ŵafuma kula? Kasi iwo mbanjani? Gulu la ma Ricky. Nkhanira ndendende. Ndipo ntheura umo ndimo iwo ŵakuŵira. Ichi nyengo zose chiri kuŵa ntheura, ŵanyake wose ŵa iwo, ndipo ilo ndi gulu limoza. Mukuwona?

128 Sono ise tikusanga, kuti, para, Moses, mu kusambizgika kwake kose, ndipo muhanyauno, na kusambizgika kose, kupanganga mabishop ghakuru na vinyake ntheura, chikuru, chakukhumba chapachanya, kasi ise tichitenge vichi? Vyakukhumba vithu vikuzgoka waka pafupifupi ngati ndi vya Moses. Mukuwona?

¹²⁹ Chiuta, pambere Iyo wandamuŵike munthu mu woko Lake, Iyo wakayenera kuti wamupoke iyo chakukhumba chake. Iyo wakayenera kuti wamupoke iyo kusambizgika kwake kose.

¹³⁰ Iyo nadi wakaruta, ndipo iyo wakaŵawombora; iyo wakakoma mu Egupto yumoza. Ndipo iyo, ndipo para iyo wakati wachita, iyo wakasanga kuti iyo wakaŵa mu kwananga. Iyo wakayenera kuchita icho chara. Ntha kakaŵa kachitiro ako. Ndipo Chiuta wakayenera kumutorera iyo uko mu mapopa, mu chipalamba, malo ghachipalamba.

¹³¹ Imwe muwone, chikuŵa ngati chachilendo, umo ŵanthu aŵa, awo Chiuta wakaŵa na uthenga wa iwo. Iyo wakuŵatorera iwo mu mapopa.

¹³² Iyo wakamutorera Paulos ku mapopa, kuti wakamusambizge iyo, kuti wakamuphalire iyo icho mboniwoni yose yikuru iyi yikaŵa, uko mu mapopa. “Ruta uko ku mapopa ghanyake.” Ndipo iyo wakakhala kula mpaka Chiuta wakavumbura mwakukwanira chakuti wakachite.

¹³³ Ndipo nyengo ya Moses, Iyo wakamutorera iyo uko ku mapopa. Wakamusunga iyo kuwaro kula virimika fote, ndipo wakamupoka masambiro ghake ghose gha vyauchiuta na chakukhumba chake chose. O, nyengo uli, kuti iyo wakamanya kulaŵiska kunyuma na kuwona kutondeka kwake. Ndipo umo ise, usiku uwu, tikwenera kuti tichite chinthu chenechira, para ise tikuwona chakukhumba chithu.

¹³⁴ Laŵiskani pa visokole vya machirisko, ndipo muwone usange Fumu yikachita chinyake virimika vichoko vyajumpha, kuyamba kuwezgereska machirisko ku ŵarwari, na vinyake nthaura.

¹³⁵ Munthu waliyose, bungwe lirilose, ndi chifukwa chakuti Ichi ntha chikanjira mu bungwe lawo, iwo ŵakachita kuŵasangira muchiriski iwo. Ndipo kasi ise tachita vichi? Tiyeni tilaŵiskepo pa ichi pa kanyengo. Ise tachita chinthu chenechira icho Moses wakachita. Ise taruta uko na kuyezga mwankhongono kupanga mtundu unyake wa munthondwe. “Ine napulika fungo la nthenda. Ine—ine—ine ndiri na ndopa mu woko lane,” na kupanga munthondwe. Mukuwona? Ndipo kasi ise tiri na vichi? Ŵanthu ŵanyake ŵali mu masuzgo ghanonono chomene, agho ghaŵananga ndipo ŵazgoka vidakwa nkhanira, ŵakutimbanizgika, ndipo ghakora malingaliro ghawo. Ndipo iwo ŵakawerera nkhanira kutali kunyuma, dongosolo kufuma ku chakulinga cha chipentekosite, kuwerera ku kupangaso mabungwe na vinthu. Mukuwona?

¹³⁶ Kasi ise tachita vichi? Takoma mu Egupto yumoza. Uwo mbunenesko. Ndipo ise tayeza. Ise talimbikira. Ise talipira. Ise tatokatoka, taruta mu maungano gha usiku wose gha malurombo, mpaka ise mazgu ghakagota. Ndipo—ndipo tikuyezga kupanga chinyake, na kuchitoweska chinyake, na

vinthu ivi vya mtundu uwu, na kusanga ichi kuŵa chakutondeka nkhanira. Ise tikusoŵeka kuwerera ku mapopa. Nadi. Inya, bwana. Kukhumbisiska na kuyezeska. Uli imwe mugonje waka? Icho ndicho imwe mukwenera kuti muchite, wonani, wererani ndipo gonjerani. Chifukwa, ise tachita chinthu chenechira iwo ŵakachita, chinthu chenechira Moses wakachita. Ichi ntha chikuchita chiweme chirichose. Pamanyuma pa virimika fote, iyo wakajisanga iyomwene mkayidi ku Mazgu gha Chiuta. Kasi ise tikuyezga kuchita vichi?

¹³⁷ Para, Thumbiko likuru lafika, na mawonekero gha vinthu vyose vikuruvikuru ivi ivyo Chiuta wali kutiphalirapo ise: umo kuti ise tikwenera kuti tibabikeso; na umo ise tikwenera kuti tipokere Mzimu Mutuŵa; ubapatizo mu Zina la Yesu Khristu; na vinthu vyose ivi apa.

¹³⁸ Imwe mukuŵawona, ŵanthu, m'malo mwakukoreska ku Mazgu ghara, kukakiririka ku Ichi, kasi iwo ŵakuchita vichi? Iwo ŵakayamba na fundo yawo ya bungwe, cheneicho chikatondeka kale, ndipo ŵakuyezga kupanga chinyake kuti chiwoneke ngati Unenesko.

¹³⁹ Ine ntchiweme ndilekezgere nkhanira apo. Mukuwona? Ine ndiri na chisimikizgo kuti imwe muli na vinjeru vyakukwanira kumanya icho ine nkhung'anamura. Mukuwona? Kweni, chifukwa, laŵiskani icho ichi chachita. Ghanaghanani za ichi.

¹⁴⁰ Kasi ise tiri na vichi, usiku uwu? kweni a—a—mtundu wakuzura na ŵanthu ŵa bungwe: awo ŵakukana Malemba gha Chiuta; awo ŵangamanya kuchema a—a—Umoyo wa Mzimu Mutuŵa, kuti, “Ichi chikaŵa a—kuŵazga malingaliri”; awo ŵangakanizga chantheura kuti chinjire mu mpingo wawo; ndipo iwo ntha ŵamuzomerezgeninge imwe kuti muyezge kuzunura Lizgu limoza la mbewu ya serepente, chivikiriro Chamuyirayira, na vinthu ivyo Mzimu Mutuŵa wali kuvumbura na kusimikizgira kuti ndi Mazgu. Ine nkhapanga bechi na bechi, kuti ŵafike na kusimikizgira ichi kwa ine kuti ntchakwanangika.

¹⁴¹ Kasi iwo ŵali na vichi? Chinthu chenechira icho Luther wakaŵa nacho, ŵanyake wose ŵa iwo, wonani, ŵakoma mu Egupto. Kasi tikwenera. . . Kasi chikaŵa chivichi? Panyake iyo wakapanga munthu munyake kuyamba. . . kuleka kwiba, panji panyake kukhala muneneska kwa muwoli wake. Kweni kasi iwe ukumupanga vichi iyo kufuma ku icho? Membara wa mpingo. “Zanga ndipo ujoyine gulu lithu.” Mukuwona?

¹⁴² Munthu yura wakufwa wakununkha ndicho chikaŵa chinthu chekha pera iyo wakamanya kurongorapo njoŵe zake, za kuchita makora kwake, kwa virimika fote vya kusambizgika; mu Egupto wakununkha wagona apo, wavunda ndipo wakufwa.

¹⁴³ Umo ndimo pafupifupi kuliri usiku uwu. Chinthu chekha pera ise tingarongorako, ku chisisimuso ichi cheneicho

chayenderera (chakuchemeka-ntheura), ndi gulu lakununkha la mamembera gha mpingo ilo ntha likamanya kalikose za Chiuta kuruska umo mu Hottentot wangamanyira za msirikali wa Egupto. Unenesko. Kuti, ungamanya kuwaphalira iwo za Mazgu gha Chiuta, iwo wakuti, “Ine nkhubomezga chara Icho.” Wakuti, “Ine nkhubwerera chara icho iwe ukuyowoya, ine nkhubomezga chara Ichi.” Mukuwona? Mukuwona? Icho ndi chinthu chakofya chakuti mungarongorako, pa kukhumbisiska na kuyezeska na chirichose ise tiri nacho.

¹⁴⁴ Panyake ise tingarongora ku sukulu yikuru, kweni iyi njakufwa. Ise tingamanya kurongora ku bungwe, kweni ili ndakufwa. Ichi chikununkha. Ichi chiri ngati waka chinthu chakudanga icho ise tikafumamo. “Ngati nkhumba kurutanga ku matope ghake, na ntchewe ku mawukuzi ghake,” para ise tikung’anamukira kunyuma. Mu Egupto yumoza wakufwa.

¹⁴⁵ Kwambura nkhaiyiko kweni munyake wakati, “Moses, inya, kasi iwe ulijeso kaghanaghanira kunyake pa wanthu? Iwe ukachemeka kuti uzakachite ichi.” Munyake uyo wakamumanya Moses, ndipo wakamanya kuti iyo wakachemekera icho. “Ndipo ntha . . . Iwe ukaleka kughanaghanira wanthu?”

“Chara, bwana.”

¹⁴⁶ “Inya, ntchifukwa uli iwe undarute, kula, kuchitanga *ichi*? Ndipo ntchifukwa uli iwe uli kuno, kuyezganga *ichi*? Ndipo ntchifukwa uli iwe ntha ukurutirira na wanyake wose wa iwo?”

¹⁴⁷ Moses wakaŵa kuwaro kula kupokeka, mpaka iyo wakaŵa na chakumuchitikira pa chivwati chakugolera, icho chikayowoya Mazgu. “INE NDINE Chiuta wa Abraham, Isaac, na Jacob. Ndipo Ine nakumbukira phangano Lane. Ndipo Ine ndafika kuzakaŵawombora iwo. Ine nkhutuma iwe kuti ukachite ichi.” Ichi ndicho chikaŵako.

¹⁴⁸ Iyo wakaghawona Mazgu, ntha chakukhumba cha wanthu panji vilakolako vya wanthu. Ntheura kasi iyo wakazgoka vichi? Iyo ntha wakakhumba kuti wakumaneso na wina Egupto. Iyo ntha wakakhumba kuti wakumane na chinthu ichi munthowa yiriyose. Kweni iyo wakazgoka mkayidi. Amen. Virimika fote vya kuchimbira, kupokekanga, kweni pamanyuma iyo wakazgoka mkayidi, pa chivwati chakugolera, Moses wankhongono na zeru zake zose. Baibolo kuyowoyanga kuti Moses wakaŵa munthu wankhongono mu mazgu panji mlimo, kusika mu Egupto.

¹⁴⁹ Kweni wonani icho wakusambira vyauchiuta wakachita Panthazi pa chivwati chakugolera. Iyo wakazomerezga waka kupereŵera kwake. Para iyo wakati wawona chakulinga chakufikapo cha Chiuta, iyo wakazomerezga kuti iyo wakaŵa wakupereŵera kuchita ichi. Kweni, iyo wakasambizgika mu kusambira vyauchiuta vyose ivyo iwo wakamanya kumupa iyo, wakasambizgika mu sukulu yawo yapachanya. Kweni, ndipouli, kasi iyo nthena wakachita vichi para iyo . . . Lawi lira la Moto

kulendera kula mu chivwati? Wakati, “ine nkhutondeka nanga nkhuwoyoya kwa Iyo. Yehova, kasi ine ndine njani, kuti ine ndirute?” Mukuwona?

¹⁵⁰ “Vura skapato zako, Moses. Ine nkhuukumba kuti ndiyowoye nawe. Jivure wamwene kufika musu, nanga ndi skapato zako. Iwe uli—iwe uliso nkhanira pasi. Ine nkhuukumba kuti ndikuyowoyeske iwe.”

¹⁵¹ Ntha wakamanya nanga nkhuwoyoya. Paumaliro, mkayidi wakusoreka, muprofeti wakusoreka, kuyana waka kuti Paulos wakaŵa wakusoreka. Moses wakasoreka, muwomboli. Ndipo ntheura, paumaliro, Chiuta wakamutora munthu Wake wakusoreka kuŵa mkayidi kwa Iyo. O, haleluya! Iyo wakanthanga umo Mazgu gha Chiuta ghakamusunthira iyo. “Kasi ine ndamkuti ndinjani wandituma ine?”

“INE NDINE.”

“Kasi ine ndamuchita uli ichi?”

“Ine ndamkuŵa nawe.”

¹⁵² “Inya, Yehova, umo Imwe mukuyowoyera waka. Ndine ndiri pano.” O, mwe! Kuti, iyo ndi mkayidi.

¹⁵³ Iyo wakuchita kususkana na kughanaghana kwake kuweme. Sono, iyo wakasambizgika kuti walangulire gulu lankhondo. “Malupanga, muchanya! Tembenukani!” Wakasambizgika kuruta, “Magareta, ghose mu dongosolo! Mikondo, kunthazi! Chenjerani!” Umo ndimo iyo wamkugonjeskera ichi. Kula kukaŵa kusambizgika kwake.

Kweni iyo wakati, “Kasi ine ndamugwiriska ntchito vichi?”

Wakati, “Kasi iwe uli na vichi mu woko lako?”

¹⁵⁴ “Ndodo.” Chiuta nyengo zinyake wakuchita vinthu mwakupusa, ku malingaliro gha munthu. Mukuwona? Wakaŵa na ndodo mu woko lake. Myembe lende musu. Msinkhu wa virimika eyite. Muwoli wake pa nyuru; mwana wakhala pa chipakato chake. Muchoko, mawoko ghakale ghakufoka lende pasi; ndodo. Mutu wake pera ukayima njo, pakuti iyo wakaŵa na NTHEURA WAKUTI YEHOVA. Chifukwa? Iyo paumaliro wakakhozgeka.

¹⁵⁵ Iyo wakaŵa mkayidi. “Ine ndisunthenge para Mazgu ghandisuntha ine. Ine ndiyowoyenge apo Mazgu ghayowoya.”

“Kasi iwe ukuyankhu?”

¹⁵⁶ “Ine ndiri na ntchito yimoza pera: yimirira panthazi pa Faro ndipo ukamuwoneske iyo, pakugwiriska ntchito ndodo, kuti Chiuta wandituma ine.” Amen.

“Kasi iwe uchitenge vichi pamanyuma pa icho?”

“Iyo wamupereka chinthu chakurondezgako, para ine ndachita ichi.”

¹⁵⁷ Apo imwe muli. Imwe muli na chinthu chimoza pera chakuti muchite, stepu yakudanga, usiku uwu: mujipereke, muzgoke mkayidi. Ntha mungaghanaghananga za mwaŵene panji chinthu chinyakeso. Zgokani mkayidi.

¹⁵⁸ Moses wakazgoka mkayidi, wakazomerezga kuti iyo ntha wakamanyanga nanga nkhuyowoya. Paumaliro, para Chiuta wakamuŵika iyo mu woko Lake, uko iyo wakamanya kusuntha para Chiuta wakamusuntha iyo. Uko, Iyo wakamuphalira iyo Mazgu. Iyo wakamanya ichi ghakaŵa Mazgu, ntheura iyo wakajilambika iyomwene ku Mazgu. Ndipo Mzimu Mutuŵa kula, Chiuta, wakamukakirira Moses ku khumbo la Chiuta.

¹⁵⁹ Icho ndi chinthu chenechira Iyo wakachita kwa Paulos. Uwo mbunenesko? [Gulu likuti, “Amen.”—Munozgi.] Iyo wakamukakirira Paulos; muchoko, mphuno yakubendera, Muyuda wavitusi, o, na Ph.D. na ma LL.D. vikalembeka palipose pa iyo. Kweni Iyo wakati, “Ine ndimuwoneskenge iyo icho iyo wasuzgikirenge chifukwa cha Mazgu.” Mukuwona? Ndipo iyo...

¹⁶⁰ Ndipo ntheura Paulos chikhalire uko na kulaŵiskanga Mazgu, na kulaŵiskanga kuti yura wakaŵa Yesu, ntheura iyo wakakwezga muchanya mawoko ghake ndipo wakakakiririka kwa Iyo. Chitemwa cha Chiuta chikamukakirira iyo ku Mazgu. “Iyo wanyamurenge Zina Lane panthazi pa Ŵamitundu.” Kula iyo wakaruta.

¹⁶¹ “Moses, INE NDINE Chiuta wa ŵadada ŵako. INE NDINE Chiuta wa Abraham, Isaac, na wa Jacob. Ine nakumbukira kuti Ine nkhaŵalayizga iwo, ndipo nyengo ya phangano yiri pafupi. Ndipo Ine ndawona kutombozgeka kwa ŵanthu Ŵane. Ine nakumbukira phangano Lane. Ndipo Ine ndafika kuti ndizakakukakirire iwe. Iwe ukumanya icho Mazgu ghakayowoya. Ine nakukakirira iwe kuti urute kusika kula, nakukakirira iwe na nkhongono, kuti urute kusika kula ndipo ukaŵawombore ŵanthu Ŵane. Ndipo tora ndodo iyo mu woko lako, ngati ukaboni, chifukwa iwe wawona munthondwe ukuchitika na iyi.” Kuyana waka na David, na fyata. Mukuwona?

¹⁶² Wakajikakirira, iyomwene, ndipo iyo wakaruta kwenekula. Paumaliro, Chiuta wakaŵa na munthu uyo wakaŵa wakujilambika kwa Iyo, wakajikakirira kwa Iyo, ndipo ntha wakasunthanga mpaka Mazgu gha Chiuta ghakamusuntha iyo. Usange ŵanthu ŵangachita waka icho, muhanyauno! Ntheura, iyo wakaŵa mkayidi Wake, mkayidi wa chitemwa, wakakoroŵekeka mu mugwirizano wa chitemwa, na—na Chiuta, umo Paulos wakakoroŵekekeru mu mugwirizano wa chitemwa kwa Chiuta.

¹⁶³ Kuyana waka na Paulos, wose ŵaŵiri ŵakasambizgika mwakuyana. Moses wakasambizgika, imwe mukumanya, kuti

wakawombore wana wa Israel na nkhangono yausirikali. Paulos wakasambizgika kuti wakaŵafumiske kufuma ku mawoko gha W̄aroma na kuŵapanga iwo ŵakumasuka, na nkhangono yake yikuru yauliska mu charu nyengo yira. Sukulu zikuru za kusambizga, wakakulira pasi pa Gamaliel.

¹⁶⁴ Ndipo wose ŵaŵiri ŵakaruta ku mapopa; ŵakawerako ŵanthu ŵakulekana. Wose ŵaŵiri ŵakawona Laŵi la Moto. Ndipo wose ŵaŵiri ŵakaŵa ŵaprofeti. Ndi unenesko uwo? [Gulu likuti, “Amen.”—Munozgi.] Wose ŵaŵiri, ŵaprofeti. Ndipo iwo wose ŵaŵiri ŵakayowoyiskika na Laŵi la Moto, nkhanira ndendende, kwiza kupukwa muwomboli. Iwo ŵakaŵa apo; ŵakaruta ku mapopa. Ŵakaleka nyumba zawo ndipo ŵakaruta ku mapopa, kuti ŵakafufuze. Ŵakaleka ŵanthu ŵakwawo na chirichose, kuti ŵakasange khumbo la Chiuta. Mukuwona?

¹⁶⁵ Iwo ŵakasambizgika mu nthowa yimoza; Chiuta wakaŵasinthira iwo ku chinyake. Ndipo iwo ŵakayenera kuzgoka mkayidi mweneke, kuti ŵaleke kuchita umo iwo ŵakakhumba kuchitira, kweni kuchita umo Chiuta wakakhumba kuti ŵachitire. Iyo ndi mweneyura mayiro, muhanyauno, na muyirayira.

¹⁶⁶ Kasi ise takhalako na maminiti ghanyake teni uko, kuti tipange ivi? [M’bale Neville wakuti, “Amen.”—Munozgi.]

¹⁶⁷ Ine ndichitenge mwaluŵiro chomene kuti ndifike ku munthu munyake. Ine nkhuwona yumoza panthazi pane sono. Zina lake ndi Joseph. Iyo wakaŵa mwana wakusoreka. Iyo wakaŵa chithuzithuzi cheneko cha Yesu Khristu. Iyo wakababika muprofeti. Iyo wakaŵa muprofeti, nayoso. Mukuwona? Ndipo sono iyo wakamanyanga kuwona mboniwoni. Ndipo para iyo wakaŵa wachali mnyamata muchoko, iyo wakawona mboniwoni iymwene wakhala pa chizumbe, ndipo ŵabale ŵake kumugwadiranga iyo. Mukuwona? Kweni wonani. Iyo wakazgoka. . . Iyo wakajitora ngati kuti iyo wakaŵa munthu mukuru. Mukuwona? Wose wa iwo. . .

¹⁶⁸ Kweni kasi Chiuta wakayenera kuchita vichi? Iyo wakachita chinthu chenechira icho Iyo wakachita ku ŵanyake wose. Chifukwa, Moses wakaŵa muwomboli, Paulos wakaŵa muwomboli, ndipo sono Joseph wakaŵa muwomboli. Iyo wakaponoska ŵanthu ŵakwake ku njara.

¹⁶⁹ Kasi Chiuta wakayenera kuchita vichi kwa iyo? Kumuŵika iyo mu gadi, kumuŵika iyo nkhanira mu gadi. Inya, bwana. Kumbukirani, iyo wakaguriskika na ŵabale ŵake, kwa wa ku Egipto. Ndipo iwo ŵakamuguriska iyo kwa Potifar. Ndipo Potifar wakamupa iyo wanangwa pachoko, ndipo, chinthu chakudanga imwe mukumanya, ula ukafumiskikako kwa iyo. Ndipo kula iyo wakakhala mu gadi, kuliranga, kuliranga. Chiuta wakayenera kumupoka ichi.

170 Sono wonani. Kweni, nyengo yose, ine nkhubomezga, iyo, mu gadi lira, iyo wakamanyanga kukumbukira kuti mboniwoni yikayowoya kuti iyo wazamkukhala pa chizumbe, ndipo wabale wake wazamugwadira iyo, chifukwa iyo wakamanyanga kuti chawanangwa chake chikafuma kwa Chiuta. Ndipo iyo wakamanyanga kuti ichi chikayenera kuti chikwaniriskike.

171 Usange ise tingasunga waka icho mu malingaliro githu, ndipo kwakulingana na Mazgu gha Chiuta, kuti mu mazuwa ghaumaliro agha Iyo wazamkuwa na Mpingo, Iyo wazamkuwa na wanthu. Ndipo vinthu ivi ivyo Iyo wakalayizga, Iyo wazamuchita ivi. Iyo wakayowoya kuti Iyo wazamuchita, ndipo ise tikukhala mu nyengo. Ise tiri kula. Iyo wakuyezga waka kutitora ise kuti tiwe wakayidi weneko sono, wakujaririka na Iyo.

172 Imwe mukayipulika sumu yakale yira imwe mukwimba, “Ndipo ntheura ine ndajaririka na Chiuta”? Ine nkukhumba kuti ndjaririka na Chiuta. Sono, uku ndi kwenekuko ine nangughanaghana za ichi. Pakuwa wakujaririka na Chiuta, chinyake chara, ndipo iwe ukusuntha para Chiuta wakuti suntha. Iwe ukuchita umo Chiuta wakuyowoyera kuti chita, wona, ntheura iwe wajaririka na Chiuta.

173 Sono kumbukirani, iyo wakaghanaghananga. Iyo wakazgokaso wakutondeka mwakukwanira, kwa iyomwene. Vyose ivyo iyo wakavimanya, vyose ivyo wakupulikiska, na chirichose, iyo wakazgoka wakutondeka mwakukwanira. Ichi ntha chikagwira ntchito. Iyo wakawikika mu kawiro kufika kwenekuko ntha wakawako wakamanyanga kumupulika iyo. Iyo wakuwa mkayidi. Mukuwona? Iyo wakawikika mu kawiro, kuti wambura kugomezga ntha wakamanyanga kugomezga. Kasi imwe mukuwona icho ine nkhang'anamura? [Gulu likuti, “Amen.”—Munozgi.] Utumiki wake ukuwa wambura phindu. Wanthu wakarazgako mitu yawo. Iwo ntha wakamupwererera iyo mu gadi. Kasi utumiki wake uchitenge chiweme uli? Iyo panji wakayimirira ku mphiringizgo za gadi na kupharazga kwa iwo; iwo wakamanyanga kuyenda kukhira na msewu. Mukuwona? Kweni iyo wakazgoka mkayidi. Ndipo Chiuta wakamusungirira iyo, mkayidi, mpaka chingerengere chikakumana makora. Wakati, “Apa pali munthu Wane.” Uchindami! Kutondeka mwakukwanira!

174 Paumaliro, Chiuta wakiza kwa iyo mu gadi lake. Ngati Paulos, ngati wanyake wose wa iwo, Iyo wakiza kwa iyo. Ndipo Iyo wakagwiriska chawanangwa icho Iyo wakamupa iyo, kuti wafumemo mula. Uwo mbunenesko. Iyo wakamufumiska iyo mu gadi lake. Kasi iyo wakachita vichi? Para Iyo wakati wamufumiska waka iyo mu gadi lake, iyo wakupika nkhangono na fumu, fumu yake, izo iyo wakakhazikiska kumphepete kwa, kuti iyo wakuwa pasi pake. Iyo wakafumiskika mu nyumba ya

wakayidi ndipo wakapika nkhongono; mpaka, chirichose icho iyo wakayowoya, chikayenera kuchitika. Amen.

¹⁷⁵ Mu gadi lake, iyo rutaruta wakakumbukira, iyo wakababika pa chakulinga. Iyo wazamkukhala pafupi na fumu. Wanyake wose wa iwo wazamugwadira khongono lawo kwa iyo. Mboniwoni yake yikamuphalira iyo nthaura. Amen. Kweni pambere mboniwoni yake yikaŵa yindafike pa kukwaniriskika nkhanira, iyo wakayenera kuti wazgoke kuŵa mkayidi. Amen. Ndipo pamanyuma iyo wakazgoka mulamuliri. Ndipo para iyo wakati wafika kufuma ku nyumba yake ya gadi, ndipo wakazgoka mkayidi wa Mazgu gha Chiuta, kuti iyo wakayowoyanga chekha pera icho Chiuta wakaŵika mu mlomo wake kuti wayowoye, nthaura Chiuta wakayenda mwa iyo.

¹⁷⁶ Wonani, kuti Moses wakaŵa na nkhongono kumanga wakalonga wa Faro, pa kukhumba kwake yekha. “Usange imwe muyowoyenge ku phiri ili, ‘Sezgeka.’” Iyo wakaŵa na nkhongono kumanga wakalonga wa Faro. Kwali iwo wakaŵa madikoni, panji walara wa chigaŵa, panji kwali iwo wakaŵa—wimiliri wa boma panji chirichose iwo wakaŵa. Iyo wakati, “ine nkhumukakani imwe,” ndipo iwo wakakakika. Ndicho chikaŵa ichi. Iyo wakamanyanga kuchita ichi pa mazgu ghake yekha, pa kukhumba kwake. Amen. Uchindami kwa Chiuta!

O, ine ndiri waka na maminiti ghanyake ghatatu, nthaura ine ndisunge mazgu ghane.

¹⁷⁷ Sono ise tikusanga kuti, kuti iyo—iyo wakazgoka mkayidi kwa Chiuta, kufuma ku mkayidi ku charu. Kufuma... Paulos, nthaura pera. Ndipo Moses, nthaura pera, kufuma ku mkayidi ku kughanaghana kwake yekha, kufika ku mkayidi kwa Chiuta. Ndipo para iyo wakati wafuma, iyo wakaŵa na nkhongono za Chiuta. Ndipo para iyo wakati wazgoka Paulos... Para kughanaghana kwakale, kwa Moses, wakati wapereka ichi ndipo wakapoeka ku ichi, iyo wakazgoka mkayidi ku Mazgu gha Khristu. Wakamanya kusunthira kulikose...

“Imwe mukuti, ‘Khristu?’”

¹⁷⁸ “Iyo wakazirwiska nthombozgo za Khristu kuŵa mausambazi ghakuru kuruska ghara gha Egipto.” Nthaura iyo wakaŵa mkayidi kwa Khristu, kuyana waka naumo Paulos wakaŵira.

¹⁷⁹ Kumbukirani, wose watatu wakaŵa waprofeti. Mukuwona? Ndipo iwo wakayenera kuti wapokeke kughanaghana kwa iwoŵene, mwakuti wazgoke mkayidi ku khumbo na nthowa za Chiuta.

¹⁸⁰ Nthaura ise tikukumbukira, sono, kuti iyo wakaŵa na nkhongono kukaka, pa mazgu ghake yekha. Iyo wakaŵa na nkhongono kumasula, pa mazgu ghake yekha. Iyo wakamanya kuyowoya, “ine nkhumukamasula iwe, mu zina la fumu yane.” Amen. Faro wakapanga Joseph kuŵa mwana wake.

¹⁸¹ Khristu wakupanga Ŵake, ŵakayidi ŵa chitemwa, ŵana Ŵake. Ndipo Iyo wakaŵapa nkhangono iwo, chinthu chenechira Iyo wakaŵa nacho. Yohane Mutuŵa 14:12, “Iyo mweneuyo wakugomezga pa Ine,” wonani, “milimo yeneiyo Ine nkchuchita wachitenge nayoso. Nanga ndi yikuru kuruska iyi iyo wazamuchita.” Sono mkayidi wa chitemwa cha Khristu wakupika nkhangono na Fumu yake, Uyo ndi Khristu. Amen. “Ndipo inya nadi nkhumunenerani imwe, usange imwe muyowoyenge ku phiri ili, ‘Sezgeka,’ na kuleka kukayika mu mtima winu, kweni gomezgani kuti icho imwe mwayowoya chikwaniriskikenge, imwe mupokerenge icho imwe mwayowoya. Usange imwe mukukhala mwa Ine, ndipo Mazgu Ghane mwa imwe; usange imwe mwakoroŵekeka kwa Ine,” chifukwa Iyo na Mazgu Ghake ndi chimoza. “Mu mtendeko mukaŵa Mazgu, ndipo Mazgu ghakaŵa na Chiuta. Mazgu ghakazgoka thupi ndipo wakakhala pamoza nase. Mweneyura mayiro, muhanyauno, na muyirayira! Usange imwe mukukhala mwa Ine,” ntha mkati *muno* na *uko*. “Kukhala mwa Ine, ndipo Mazgu Ghane mwa imwe; rombani icho imwe mukukhumba, panji yowoyani icho imwe mukukhumba, ichi chichitikenge kwa imwe.” Iyo wakaŵa na nkhangono.

¹⁸² Wonani, pambere iyo wakaŵa wandafume, iyo wakayenera kuti wafumiskike na kuphajika. Vinthu vichoko vikayenera kuti viphajikeko pambere iyo wandakumane na fumu. Mukuwona?

¹⁸³ O, Chiuta nyengo zinyake wakuŵatorera ŵanthu Ŵake kutali ngati nthura, na kuphajako vichoko vya makhumbo gha iwoŵene, kuŵawoneska iwo kuti iwo ŵangachita chara ivyo ŵakhumbanga kuchita. Imwe mukumanya icho ine nkchung’anamura. Iwo ntha ndi—iwo ntha ŵali mu wanangwa kuchita icho iwo ŵakukhumba kuchita. Pambere iwo ŵandafike mu nkhangono zose na kuŵa muzga-wachitemwa kwa Khristu, iwo ŵakwenera kuphajika ndipo pamanyuma ŵaperekeke. Nyengo zinyake Iyo wakuŵatorera iwo ku mapopa, kuti wakachite icho, kuti wakaŵaphaje iwo. Ndipo pamanyuma kwiza nawo iwo, yumoza wakuzozgeka, kuti ŵakwaniriske chakulinga icho Iyo wali kuŵakhozgera iwo kuti ŵazakaŵe. Mukuwona icho ine nkchung’anamura?

Ŵabale, ise tiri ku nyengo yaumaliro.

¹⁸⁴ Kumbukirani, nyengo zinyake zose, ndicho Iyo wali kuchita. Iyo nyengo zose wakachitanga kumutora munthu na kumupanga iyo mkayidi kwa Iyo, kuleka vyake yekha. Iyo wakayenera kuti waleke chirichose iyo wakamanya, waruwe kusambizgika kwake kose, chirichose, mwakuti wamanye khumbo la Chiuta, na kumurondezga Chiuta.

¹⁸⁵ Iyo ntha wanganondezga chirichose icho munthu wali nacho chakuti wachite, ndipo Chiuta, nyengo yimoza. Ichi ntchakususkana chomene, chimoza ku chinnyake. Iwe ungaruta

chara kuvuma na kuzambwe nyengo yimoza. Iwe ungaruta chara kumaryero na kumazere nyengo yimoza. Iwe ungachita chara chiweme na chiheni nyengo yimoza. Iwe ungarondezga chara munthu na Chiuta nyengo yimoza. Chara, bwana. Iwe panji ukurondezga Chiuta panji ukurondezga munthu.

¹⁸⁶ Sono, nthaura, usange iwe ukurondezga Chiuta ndipo wajipereka wamwene kwa Chiuta, nthaura iwe ukuzgoka mkayidi kwa Chiuta yura, ku Mazgu ghara, ku khumbo lira. Paliye kanthu kwali chinyake chikuyowoya vichi, iwe ukuzgoka—mkayidi ku Ichi.

¹⁸⁷ Tegherezani. Ise tiri ku nyengo yaumaliro. Ndipo ine ndiyowoye ichi mwaulemu na ntchindi, apo maminiti ghaumaliro ghakumara. Laŵiskani. Icho Chiuta, ku malingaliro ghane, wachitenge ndipo wakwenera kuchita, ndipo wachitenge mu nyengo iyi yaumaliro, ntchakuti wasange chida cha vuna. Iyo wakwenera kuti wachisange chida, kuti wapunthire pasi. Mlimi waliyose, para iyo wakuruta ku vuna yake, iyo wakwenera kuŵa na chida kuti wakachitire ichi; nadi, iyo wakwenera kuŵa na chigero chakuthwa panji chinyake, chiteŵetero chinyake, kuti wapunthire njere. Ndipo vuna yakhwima.

¹⁸⁸ Chiuta, tiŵikeni ise mu woko Linu. Tipangeni ise ŵazga-ŵamugwirizano ŵa chitemwa Chinu. Tigwiriskeni ntchito ise ngati chida, kuti tiwoneske chipanikizgo ku chakwananga ichi, charu chakutembeka icho ise tikukhalamo muhanyauno, kuti Yesu Khristu ndi mweneyura mayiro, muhanyauno, na muyirayira.

¹⁸⁹ Kwa ndamwene, Chiuta, zomerezgani ine ndiŵe mkayidi. Usange ŵabale ŵane wose ŵandikana ine, usange ŵabwezi ŵane wose ŵandikana ine, ine nkhukhumba kuti ndiŵe mkayidi wa Yesu Khristu na Mazgu Ghake, mwakuti ine ningamanya kuŵa wakukoroŵekeka ku Mazgu Ghake, mwa Mzimu Mutuŵa, kuti ndiwone Mzimu Mutuŵa wakupanga Mazgu gha Chiuta kuŵa ghakukhozgeka na vinthu vyenevira ivyo Iyo wakati vizamuchitika. Ine nkhukhumba kuti ndiŵe mkayidi wa Yesu Khristu.

Tiyeni ise tirombe.

¹⁹⁰ Ine nkhuzizwa, usiku uwu, na mitu yithu yakusindama, usange chakukhumba chira icho ise tiri nacho, cha kuŵa munyakeso, panji panyake za chinyake icho ise panji tingaghanaghana, kuŵa chinthu cha taŵene, nkhumanya chara usange ise tingachisezgera waka kumphepete icho.

¹⁹¹ Ine nkhumanya chara usange mnyamata munyake muchoko muno, usiku uwu, wangalaŵiska zingirizge, wakuti, “ine ndizamkuŵa, para ine ndakura, ine ndizamkuŵa chinthu *chakuti-chakuti*.” Nkhumanya chara usange imwe mungalipulika khumbo la Chiuta likwenda mu umoyo winu, ndipo likuti, “Chara, chara. U-nhu. Ine—ine...Vyakukhumba

vyane vyatayika sono. Pakuti pa mazuŵa ghachoko ghajumphu, Mzimu Mutuŵa wakhala wakuyowoya kwa ine. Ine—ine—ine—ine nkukhumba kuti ndijipereke ndamwene kwa Chiuta, kuti ndiŵe chitewetero chakupunthira cha nyengo iyi.”

¹⁹² Msungwana munyake muchoko uyo panji wakaŵa na vyakukhumba vya nkharo yiweme ya dona muweme, panji—panji panyake mwanakazi wakuwoneka makora muchoko ngana, panji panyake zuŵa linyake kupanga Hollywood kuŵa nkharo yako, ine—ine nkhumanya chara usange iwe ntha ndiwe wakunozgeka sono kupereka chakukhumba chako mu Kuŵapo kwa Chiuta na Mazgu Ghake, kupulika kuchema kwa Chiuta mu umoyo wako wekha. Chiuta wakumanya icho iwe uli.

¹⁹³ Ine nkhumanya chara usange wangaŵapo mupharazgi pafupi, panji muteweti, wantchito pamalo ghanyake mu tchalitchi. Ine nkufika waka kuno, kamoza mu kanyengo. Ine—ine ntha nkhumanyapo yumoza pa ŵanthu ŵatatu awo ŵakhala muno, usiku uwu, kweni ine. . . ŵachoko chomene awo ŵali muno. Ine nkhumanya chara usange wangaŵapo munthu wantheura, iwe ungaŵa wakunozgeka kuyowoya kuti, “ine nkupwerera chara icho munyake wakuyowoya. Ine ndine muzga wa Chiuta sono. Ine—ine—ine ndipharazgenge Mazgu Ghake, munthowa yiriyose. Ine ntha nkupwerera icho, lane—bungwe lane lindisezgenge ine, ine ndikhalenge ndithu na Mazgu ghara. Ine—ine ndichitenge ichi. Khumbo lane ndi khumbo la Chiuta. Khumbo la Chiuta ndi khumbo lane. Ine ndiŵenge mkayidi kwa Yesu Khristu. Mwa wezi na wovwiri Wake, ine ndichitenge ichi.”

¹⁹⁴ Ghanaghanani za ichi, apo ise tiri na mitu yithu yakusindama. Kasi mbalinga ŵali na chakukhumba icho, usiku uwu? Uli imwe mukwezge woko linu. Ilo ndane, naneso. Ine nkupereka vyose. Na mitu yithu yakusindama sono, mwakuzikitizga sono, apo imwe mukughanaghana ichi sono, apo imwe mukuromba.

Nkhupereka,
Nkhupereka,
Vyose kwa Imwe, Muponoski wane,
Nkhupereka vyose.
Nkhupere- . . .

¹⁹⁵ Kasi iwe ukung’anamaura nadi ichi? “Ine nkukhumba kuti ndiŵe mkayidi. Ine. . . Nditoreni ine, Fumu. Nditoreni ine kusika ku nyumba ya Muwumbi, usiku uwu. Ndiphwanyeni ine, ndipo mudiwumbe ine kamoza, kusika kuno.”

. . . kwa Imwe, Muponoski wane,
Nkhupereka vyose.

¹⁹⁶ Ŵadada Ŵakuchanya, apo sumu yikurutirira kwimba, ine nangughanaghana ichi kuŵa chaphindu chomene pa nyengo iyi, kuti ine—ine ningamanya kunjira mwankhongono

mu sumu na kuyowoya kwa Imwe kanyengo waka. Apo wanthu wakughanaghana, “ine nkhupeka vyose,” Wadada, nkhuromba ise tichite ichi, na kuti ngati uwu ndi mwaŵi withu waumaliro kuchita ichi. Tiyeni ise tifike mwakugomezeka, zanginge ku gome la Fumu, ngati ndumo kukaŵira, na vyakuvwara vyakuchapika, mauzima ghakuchapika, vyakukhumba vyakuchapika, vilakolako vyakuchapika, kuti tijipereke taŵene.

¹⁹⁷ Ndipo zomerezgani Chiuta watore Mazgu Ghake, kutikorowekeka ise pamoza na Ichi, Mazgu gha Chiuta. Ndipo nkhuromba Mzimu Mutuŵa watitore ise sono, apo ise tikupulika goruwoli likukhuza pa mitima yithu, “Kufumira usiku uwu na kunthazi, ine nkhumutorani imwe pa mazgu ghinu. Sono imwe nthu mungaghanaghananga mu kachitiro kinu. Ghanaghanani maghanoghano Ghane. Ghanaghanani khumbo Lane. Ine ndimurongozgeninge imwe.” Chiuta, perekani kuti ichi chiŵe chakumuchitikira waliyose wa ise.

¹⁹⁸ Wanthu wachinyamata aŵa wakhala muno; mufumu na muwoli; ndipo wanji wakukura kuti waŵe mufumu na muwoli. Muli wanarumi walarawalara awo wakhala muno, awo ndi wapharazgi, ŵali kuŵa nyengo yitali pa msewu. Ndipo, Fumu, apa pali M'bale Neville, ine, tikufika pachanya nkhanira pa matanda. Mazuŵa ghithu ghakuwengerenga sono. Masitepu ghithu ghazoka ghakupwerera chomene kuruska umo ise tikaghapangira igho. Ise tikulaŵiska apo ise tikudyaka. Ise nthu tadyaka-mwakuyana, kuyowoya kwa kuthupi, umo ise tikachitira kale. Kweni, Fumu, apo ise tikuwona kuti umoyo wachivundi ukupwalatika, ndipo nthu kuyenda kwithu kuli kwakusimikizgika kwambura Imwe kutikora ise pa woko.

¹⁹⁹ Sono, Chiuta, mutitore ise, muchitenge Imwe? Torerani mitima yithu na kukhumba kwithu mu woko Linu Mwaŵene, ndipo zomerezgani ise tizgoke wakayidi, usiku uwu, ku Mazgu, kwa Khristu. Mphanyi ise takhala maumoyo ghauchiuta muno. Mphanyi wanakazi aŵa, wanakazi wachisungwana aŵa, wanarumi wachinyamata aŵa, wanyamata na wasungwana, wapereke umoyo wawo, Fumu. Ndipo mphanyi kukhumba kwawo kuŵe kukhumba kwakuti wamutumikire Yesu Khristu. Ndipo zomerezgani ise tizgoke mkayidi wa wezi Wake Wauzimu na khumbo. Perekani ichi, Fumu.

²⁰⁰ Ndicho chekha ine nkhumanya kuchita, Fumu. Mazgu ghachoko agha ghakudumuka-dumuka, ndipo ine—ine nkhuomezga kuti Imwe mughaŵikenge igho pamoza, makora. Chifukwa, ndi mwakotcha mkati muno, ndipo wanthu wakukhumba kutegherezga, kweni kwafunda nadi. Ndipo wanandi wakwenera kuti warute ku nyumba na kuruta ku ntchito mwakucherera. Kweni mphanyi mbewu izo zangunjira mu mtima wawo, “mkayidi.”

201 Rutani ku nyumba ndipo mukayowoye kwa muwoli, umo iwo...pambere iwo wāndafike pa kugamura na kuromba, kumuhanya uku, panji mise agha, pafupi na bedi, wālawiskane yumoza na munyake, kuti, “Wakutemweka, ukuti uli na icho, usiku uwu? Kasi ise tafika nadi pakuzgoka wākayidi kwa Khristu na khumbo Lake, panji—panji tikuyenda mu kukhumba kwithu taŵene?”

202 Mphanyi wāchinyamata na wāchisungwana, kulikose, chomene chomene iwo wēneawo wāpulika Uthenga, usiku uwu, wājifumbe iwoŵene fumbo lenelira, “Kasi ine ndanozgeka kuzgoka mkayidi, kuwuleka umoyo wane ndamwene?”

203 “Iyo mweneuyo wakuponoska umoyo wake wautayenge uwu, kweni iyo mweneuyo wakataya umoyo wake chifukwa cha Ine wawusangenge uwu.” Wādada, ise tikumanya, icho ndi: kuzgoka mkayidi wa Imwe, kutaya vyakukhumba vithu taŵene, kuti tisange Vyinu, mwantheura ise tikuŵa na Umoyo Wamuyirayira. Perekani ichi, Fumu.

204 Chinthu chimoza pera ine nkhumanya, ndi chakuti ndipereke ichi sono mu woko Linu. Ndipo ichi mphanyi changuzgoka chaphindu na kupanga vikuru—vitewetero vikuru vya vuna ya nyengo yaumaliro, wānarumi na wānakazi, wānyamata na wāsungwana, wākujipereka ku khumbo lose la Chiuta, na kuzgoka wākayidi wā Yesu Khristu, ku chitemwa Chake, wākukurungika na chitemwa Chauzimu kwa Khristu. Ise tikuromba ichi mu Zina Lake.

Nkhupereka vyose,

Tiyeni tiyimirire.

Nkhupereka vyose,

Vyose kwa Imwe, wane...?...

205 Tiyeni tiyowoyeso waka icho, na maso ghithu ghakujara na mawoko ghithu muchanya.

Nkhupereka,

Nkhupereka,

Vyose kwa Imwe, Muponoski wane,

Nkhupereka vyose.

206 Sono, usange ise tisindamiskenge mitu yithu, ndipo pambere sumu yakufumira yindayimbike, yakuti *Torani Zina La Yesu Na Imwe*, ine ndifumbenge kuti—kuti m’bale uyu apa...Ine ndaruwa zina lake. Mlongosi uyo wanguyowoya za ukaboni wa mboniwoni ya mdima kumuphimbanga, uyo wakachizgika. Ndipo kumbukirani, kulaŵiskanga kunyuma, chidiko chikamara. Chipulikano chake chikachita icho. Iwe utifumiske ise mu kuromba, uchitenge iwe, m’bale? Ndipo urombe vitumbiko vya Chiuta viŵe pa ise.



MKAYIDI CTK63-0717
(A Prisoner)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Chitatu kumise, Julayi 17, 1963, pa Branham Tabernacle mu Jeffersonville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeke kwambura kusinthika mu Chingerezi. Kutanthauzira uku kwa Chitumbuka kukalembeke na kugawika na wa Voice Of God Recordings.

CHITUMBUKA

©2017 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org